


元史

卷五之九

内閣文庫			
番號	漢	1836	
冊數	500 (462)		
函號	別	10	1



元史卷五

本紀第五

淺草文庫

皇明翰林學士亞中大夫知制誥兼脩國史臣宋

灏

翰林待制承直郎知制誥兼國史院編修官臣王

禕等奉勅脩

世祖二

三年春正月癸亥修宣聖廟成庚午罷高麗互市諸王
塔察兒請置鐵冶從之請立互市不從忽刺忽兒所部
民饑罷上供羊命銀冶戶七百河南屯田戶百四十賦
稅輸之州縣命原輩為軍者仍為軍其軍官富考第富

康熙二十五年五月修

卷五

七

貧存恤無力者取_戶口_口詣北京餉諸王軍仍遣宣撫使
柴禎等增價糴米三萬石益之賜高麗國曆辛未禁諸
道戍兵及勢家縱畜牧犯桑棗禾稼者癸酉以軍興人
民勞苦勅停公私逋負母徵癸未賜廣寧王瓜都駝鈕
金鍍銀印及諸王合必赤行軍印宋制置使買似道以
書誘總管張元等李壇獲其書上之丙戌命江漢大都
督史權亳州萬戶張弘彥將兵八千赴燕備宮懸鍾磬
樂舞籥翟凡用三百六十二人高麗遣使奉表來謝優
詔答之本壇質子彥簡逃歸二月丁亥朔元籍軍竄名
爲民者命有司還正之括諸道逃亡軍已丑李壇反以

漣海三城獻于宋盡殺蒙古戍軍引麾下趨益都前宣
撫副使王磐脫身走至濟南驛召磐令姚樞問計磐對
豎子狂妄卽成擒耳帝然之庚寅宋兵攻新蔡辛卯始
定中外官俸命大司農姚樞講定條格甲午李壇入益
都發府庫犒其將校乙未詔諸道以今歲民賦市馬丙
申郭守敬造寶山漏成徙至燕京以興松雲三州隸上
都辛丑李壇遣騎寇蒲臺癸卯詔發兵討之以趙壁爲
平章政事修深冀南宮棗強四城甲辰發諸蒙古漢軍
討李壇命水軍萬戶解成張榮實大名萬戶王文幹及
萬戶嚴忠範會東平濟南萬戶張宏歸德萬戶耶汝武

衛軍破手元帥薛軍勝等會濱棣詔濟南路軍民萬戶
張宏濱棣路安撫使韓世安各修城塹盡發管內民爲
兵以備召張柔及其子弘範率兵二千詣京師丙午命
諸王合必赤總督諸軍以不只愛不干及趙璧行中書
省事於山東宋子貞叅議行中書省事以董源高逸民
爲左右司郎中許便宜從事真定順天河間平灤大名
邢州河南諸路兵皆會濟南以中書左丞闊闊尚書怯
烈門宣撫游顯行宣慰司於大名洛滋懷孟彰德衛輝
河南東西兩路皆隸焉己酉王文統坐與李壇同謀伏
誅仍詔諭中外王演等以妖言誅辛亥勅元帥阿海分

兵戍平澤海口及東京廣寧懿州以餘兵詣京師詔諸
道括逃軍還屯田嚴其禁壬子李壇據濟南癸丑詔大
名洛磁彰德衛輝懷孟河南真定邢州順天河間平灤
諸路皆籍兵守城宋兵攻滕州丙辰詔拔都抹台將息
州戍兵詣濟南移其民於蔡州東平萬戶嚴忠範留兵
戍宿州及蘄縣以餘兵自隨三月戊午有旨非中書省
文移及兵民官申省者不許入遞己未括木速蠻畏吾
兒也里可溫荅失蠻等戶丁爲兵庚申括北京鷹坊等
戶丁爲兵蠲其賦令趙炳將之辛酉宗拔突言河南有
自願從軍者命卽令將之遣鄭鼎贈思丁荅里帶三島

行宣慰司事于平陽太原簽見任民官及捕鷹坊人匠
等軍徒弘州錦工繡女于京師勅河東兩路元括金州
兵付鄭鼎將之詔以平章政事馮禡廉希憲叅政商挺
斷事官麥肖行中書省于陝西四川獲私商南界者四
十餘人命釋之勅燕京至濟南置海青驛凡八所壬申
命戶部尚書劉肅專職鈔法平章政事賽典赤兼領之
以撒吉思柴楨行宣慰司事于北京免今歲絲銀止輸
田租癸酉命史樞阿朮各將兵赴濟南遇李壇軍邀擊
大破之斬首四千壇退保濟南乙亥宋將夏貴攻符離
戊寅萬戶韓世安率鎮撫馬興千戶張濟民大破李壇

兵於高苑獲其權府傅珪賜濟民興金符詔以李壇兵
敗諭諸路禁民間私藏軍器壬午始以畏吾字書給驛
璽書免西京今年絲銀稅甲申免高麗酒課乙酉宋夏
貴攻蘄縣諭諸路管民官毋令軍馬使臣入州城村居
鎮市擾及良民夏四月丙戌朔大軍樹柵鑿塹圍壇于
濟南丁亥詔博興高苑等處軍民嘗爲李壇脅從者並
釋其罪庚寅命怯烈門安撫張耕分邢州戶隸兩荅刺
罕辛卯修河中禹廟賜名建極宮壬辰以大梁府渠州
路軍民總帥蒲元圭爲東夔路經畧使丙申宋華路分
湯太尉攻徐邳二州詔分張柔軍千人還戍亳州庚子

江漢大都督史權以趙百戶繫衆逃歸斬之詔自今部
曲犯重罪鞫問得實必先奏聞然後寘諸法詔安輯徐
邳民禁征戍軍士及勢官毋縱畜牧傷其禾稼桑棗以
米千石牛三百給西京蒙古戶癸卯宋兵攻亳州甲辰
命行中書省宣慰司諸路達魯花赤管民官勸誘百姓
開墾田土種植桑棗不得擅興不急之役妨奪農時乙
巳以北京廣寧豪懿州軍興勞弊免今歲稅賦命諸路
詳讞寃獄詔河東兩路并平陽太原路達魯花赤及兵
民官撫安軍民各安生業毋失歲計丁未李壇遣柴牛
兒招諭部民盧廣廣縛以獻殺之以廣權威州軍判義
補盜官戊申賜諸王也相哥金印庚戌賜諸王合必赤
金銀海青符各二免松州興州望雲州新舊差賦以望
雲松山興州課程隸開平府壬子勅非軍情毋行望雲
驛乙卯河南路王豁子張無僧杜信等謀爲不軌僉伏
誅詔右丞相史天澤專征諸將皆受節度五月戊午斬
縣陷權萬戶李義千戶張好古死之庚申築環城圍濟
南壇不復得出詔撤吉思安撫益都路百姓各務農功
仍禁蒙古漢軍剽掠癸亥史權妄奏徐邳總管李杲哥
完復邳州城詔由杲哥以下益原其罪時宋將夏貴攻
邳州杲哥出降貴旣去杲哥自陳能保全州城史權以

元史卷五十一
本紀五十一
五十一
聞故有是命甲子宋兵攻利津縣獨濱棣今歲田租之
半東平蠲十之三自燕至開平立牛驛給鈔市車牛茂
辰以右丞相忽魯不花兼中書省都斷事官賜虎符真
定順天邢州蝗以平章政事賽典赤兼領工部及諸路
工作以孟烈所獻蹶張弩藏于中都丙子晉山至聖雲
立海青驛丁丑李杲哥等伏誅命史天澤選考徐邳總
管甲申真定路不眼里海牙擅殺造偽鈔者三人詔詰
其違制之罪西京宣德成寧龍門霜天順平陽河南真
定兩電東平濱棣旱詔覈實逃戶輸納絲銀稅租戶口
增者賞之隱匿者罪之逃民苟免差稅重加之罪大

姚樞辭赴省議事帝勉留之命樞與左三部尚書劉
肅依前商議中書省事六月乙酉朔宋兵攻滄州雅州
瀘山民既降復叛命誅其首亂者七人餘令安業割遼
河以東隸開元路戊子濱棣安撫使韓安世敗宋兵于
濱州丁河口己丑遣塔察兒帥兵擊宋軍仍安諭瀕海
軍民乙未禁女直侵軼高麗國民其使臣往還官爲護
送命婆婆府屯田軍移駐鴨綠江之西以防海道丙申
高麗國王王植遣使來貢壬寅陝西行省言西京宣德
太原匠軍困乏乞以民代之有旨軍籍已定不宜動搖
宜令貧富相資果甚貧者令休息一歲癸卯太原總管

李毅奴哥達魯花赤戴曲薛等領李壇偽檄傳行旁郡
事覺誅之勅武寧軍歲輸所產鐵河西民及諸王忽撒
吉所部軍士乏食給鈔賑之壬子申嚴軍官及兵伍擾
民之禁癸丑立小峪蘆子寧武軍赤泥泉鐵冶四所東
平嚴忠濟向爲民貸錢輸賦四十三萬七千四百定借
用課程鈔本鹽課銀萬五千餘兩詔勿徵秋七月戊午
復蒙古軍站戶差賦農民包銀徵其半停戶止令輸絲
民當輸賦之月毋徵私債勅私市金銀應支錢物止以
鈔爲准丙寅賜夔州路行省楊大淵金符十銀符十九
賞麾下將士別給海青符二事有急速馳以上聞立給

杆備驛以便轉輸癸酉甘州畿給銀以賑之甲戌李壇
窮蹙入大明湖投水中不卽死獲之併蒙古軍囊家伏
誅體解以徇戊寅以夔府行省劉整行中書省於成都
潼川兩路仍賜銀萬兩分給軍士之失業者八月己丑
郭守敬請開玉泉水以通漕運廣濟河渠司王允中請
開邢洛等處漳滏澧河達泉以溉民田並從之甲午博
都歡等奏請以宣德州德興府等處銀冶付其匠戶歲
取銀及石綠丹粉輸官從之丙午立諸路醫學教授戊
申勅王鶚集廷臣商榷史事鶚等乞以先朝事蹟錄付
史館河間平灤廣寧西京宣德北京隕霜害稼九月戊

午亳州萬戶張弘畧破宋兵于斬縣復宿斬二城以待
衛親軍都指揮使董文炳兼山東路經畧使牧集益都
舊軍充武衛軍戍南邊詔益都行省大都督撒吉思與
董文炳會議兵民籍每十戶准取其二充武衛軍其海
州東海漣水移入益都者亦隸本衛己未罷霸州海青
驛安南國陳光炳遣使貢方物壬戌改邢州爲順德府
立安撫司洛磁威三州隸焉聽太原民食小鹽歲輸銀
七千五百兩己巳以馬月合乃訥軍功授禮部尚書賜
金符壬申授安南國王陳光炳及達魯花赤訥刺丁虎
符勅濟南官吏凡軍民公私逋負權閣毋徵癸酉都元
帥門開帶卒于軍以其兄阿米代之授虎符將南邊蒙
古漢軍閏月甲申朔沙肅二州乏食給米鈔賑之丁亥
立古北口驛己丑濟南民饑免其賦稅免諸路軍戶他
徭庚寅勅京師順州至開平置六驛辛卯嚴忠範奏請
補東平路廟學太常樂工從之勅武衛軍及黑軍會于
京師庚子中翼千戶九住破宋兵于虎腦山庚戌發粟
三十萬賑濟南饑民冬十月丙辰放金州所屯軍士二
千人及大明河南新簽防城軍爲民庚申分益都軍民
爲二董文炳領軍撒吉思治民禁諸王使臣師旅敢有
恃勢擾民者所在執以聞詔以李壇所掠民馬還其主

以郝經劉人傑使宋未還廩其家中書省奏與宋互市
庶止私商及復通民之陷于宋者且覘漣海二州不允
以劉仁傑不附李壇擢益都路總管仍以金帛賜之壬
戌授益都行中書省都督府所統州郡官金符十七銀
符十一乙丑詔禁京畿畋獵丙寅分東西兩川都元帥
府爲二以帖的及劉整等爲都元帥及左右副都元帥
詔責高麗欺慢之罪又詔賜高麗王植曆以戰功賞渠
州達魯花赤王璋等金五十兩銀一千五百五十兩賞
闕蓬等路都元帥合州戰功銀五千兩丁卯詔鳳翔府
屯田軍隸兵籍仍屯田鳳翔放刁國器所簽平陽軍九

百一十五人爲民間蓬廣安順慶夔府等路都元帥欽
察戍青居山請益兵詔陝西行省及鞏昌總帥汪惟正
以兵益之戊辰楊大淵乞於利州大安軍以鹽易軍糧
從之庚午勅鞏昌總帥汪惟正將戍青居軍還屯田利
州乙亥分中書左右部丁丑勅宿州百戶王達等所擒
宋王用夏珍等八人赴京師命百家奴所將質子軍入
侍戍寅命不里剌所統固安平灤質子軍自益都徙還
故地詔益都府路官吏軍民爲李壇脅從者盡赦其罪
勅萬戶嚴忠範修復宿州蘄縣萬戶忽都虎懷都何總
管修完邳州城郭十一月乙酉太白犯鈞鈐丁亥勅聖

安寺作佛頂金輪會長春宮設金籙周天曆辛丑日有
背氣重暈三珥敕濟南人民爲李瓊裨校掠取財物者
詣都督撒吉思所訟之真定民郝興讐殺馬忠忠子榮
受興銀令興代其軍役中書省以榮納賂忘讐無人子
之道杖之沒其銀事聞詔論如法有司失出之罪俾中
書省議之三義沽竈戶經宋兵焚掠免今年租賦汰少
府監工匠存其良者千二百戶遣官審理陝西重刑救
河西民徙居應州其不能自贍者百六十戶給牛具及
粟麥種仍賜布人二匹乙巳詔都元帥阿朮分兵三千
人同阿鮮不花懷都兵馬復立宿州蘄縣邳州有旨論

天澤朕或乘怒欲有所誅殺卿等宜遲留一二日覆
奏行之丙午詔特徵人員宜令乘傳戊申陞撫州爲隆
興府以昔剌幹脫爲總管割宣德之懷安天成及威寧
高原隸焉十二月甲寅封皇子真金爲燕王守中書令
丙辰敕諸王塔察兒等所部獵戶止收包銀其絲稅輸
之有司立河南山東統軍司以塔刺渾火兒赤爲河南
路統軍使盧昇副之東距亳州西至均州諸萬戶隸焉
茶不花爲山東路統軍使武秀副之西自宿州東至寧
海州諸萬戶隸焉罷各路急遞鋪丁巳立十路宣慰司
以真定路達魯花赤趙瑄等爲之己未犯罪應死者五

十三人詔重加詳讞辛酉詔給懷州新民耕牛二百俾
種水田立諸路轉運司以燕京路監權官曹澤等爲之
使癸亥享太廟詔各路總管兼萬戶者止理民事軍政
勿預其州縣官兼千戶百戶者仍其舊乙丑復立息州
城以安其民召真定順德等路宣慰使王盤乘傳赴京
師丙寅申嚴屠殺牛馬之禁己巳詔諸路管民總管子
弟有分管州府司縣及鷹坊人匠諸色事務者罷之壬
申遣使收輯諸路軍民官海青牌及驛券戊寅詔諸路
管民官理民事管軍官掌兵戎各有所司不相統攝作
佛事於昊天寺七晝夜賜銀萬五千兩割北京興州隸

開平府建行宮于興隆路陞太原臨泉縣爲臨州降寧
陵爲下縣仍隸歸德賜諸王金銀幣帛如歲例是歲天
下戶一百四十七萬六千一百四十六斷死罪六十六
人

四年春正月乙酉禁蒙古軍馬擾民宋賈似道遣楊琳
賈空名告身及蠟書金幣誘大獲山楊大淵南歸大淵
部將執琳詔誅之以宋忽兒滅里及沙只回回鷹坊等
兵戍商州藍田諸隘軍民官各從統軍司及宣慰司選
舉岳天輔乞復立息州不允丙戌以姚樞爲中書左丞
改諸路監權課稅所爲轉運司甲午給公主拜忽符印

其所屬設達魯花赤給鈔賑益都路貧民之無牛者立
十路與魯總管丁酉益都路行省大都督撒吉思上李
壇所傷漣水軍民及陷宋蒙古女直探馬赤軍數男女
凡七千九百二十二人癸卯領部阿合馬請興河南等
處鐵冶及設東平等路巡禁私鹽軍從之召商挺趙良
弼赴闕乙巳敕李平陽以所部西川出征軍士戍青居
山其各翼軍在青居山者悉還成都詔陝西行省塔刺
海等收恤離散軍戶詔以諸路漢軍與魯毋隸各萬戶
管領其科徵差稅山東河南隸統軍司東西兩川隸征
東元帥府陝西隸行戶部凡與魯官內有各萬戶弟男
及私人皆罷之敕總帥汪忠臣都元帥帖的及劉整筆
益兵付都元帥欽察戍青居山仍以解州鹽課給軍糧
丙午詔諸翼萬戶簡精兵四千充武衛軍罷古北口新
置驛增萬戶府監戰一員叅議一員以馬合麻所俘濟
南老僧口之民文面爲奴者付元籍爲民汪忠臣史權
械繫宋謀者六人至京師有旨釋之辛亥申禁民家兵
器及蒙古軍擾民者陵州達魯花赤蒙哥戰死濟南以
其子忒兀帶襲職召雲頂山侍郎張威赴闕二月壬子
朔命河東宣慰司市馬百二十九匹賜諸王入刺軍士
之無馬者甲寅詔諸路官員子弟入質以高麗不答詔

書詰其使者以民杜了翁先朝舊功復其家庚申賞萬戶怯來所部將士討李壇有功者銀二千七百五十兩甲子車駕幸開平以王德素充國信使劉公諒副之使于宋致書宋主詰其稽留郝經之故詔諸路置局造軍器私造者處死民間所有不輸官者與私造同三月戊子沂州胡節使范同知陷于宋命存恤其家或言其嘗爲宋兵嚮導乃分其妻孥資產賜有功將士辛卯敕撒吉思招集益都逃民命董文炳以所獲宋謀及俘八十一人赴隆興府聽諸路獵戶及捕盜巡鹽者執弓矢壬辰遣扎馬刺丁和糴東京己亥諸路包銀以鈔輸納其絲料入本色非產絲之地亦聽以鈔輸入凡當差戶包銀鈔四兩每十戶輸絲十四斤漏籍老幼鈔三兩絲一斤庚子亦黑迭兒丁請修瓊華島不從壬寅關東蒙古漢軍官未經訓敕者令各乘傳赴開平癸卯初建太廟乙巳賜迭怯那延等銀七千九百兩命北京元帥阿海發漢軍二千人赴開平己酉高麗國王王植遣其臣朱英亮入貢上表謝恩復立宿州夏四月庚戌朔以漏籍戶一萬一千八百附籍戶四千三百於各處起治歲課鐵四百八十萬七千斤癸丑選益都兵千人充武衛軍甲寅償河西阿沙賑贍所部貧民銀三千七百兩己未

以完顏端田宅賜益都千戶傳國忠國忠父天祐為端
 所殺故命以其田宅賜之宣德至開平置驛罷開元路
 宣慰司丙寅西京武州隕霜殺稼戊寅召實默許衡乘
 駟赴開平諸王阿只吉所部貧民遠徙者賜以馬牛車
 幣以東平為軍行蹂踐賑給之改滄清深鹽提領所為
 轉運司王鶚請延訪太祖事蹟付史館五月癸未詔北
 京運米五千石赴開平其車牛之費並從官給乙酉初
 立樞密院以皇子燕王守中書令兼判樞密院事戊子
 陞開平府為上都其達魯花赤兀良吉為上都路達魯
 花赤總管董銓為上都路總管兼開平府尹辛卯詔立

燕平準庫以均平物價通利鈔法乙未敕商州民就
 戍本州毋禁弓矢丙申立上都馬步驛丁酉以元帥楊
 大淵張大悅復神山有功降詔獎諭戊戌以禮部尚書
 馬月合乃兼領穎州光化互市及領已括戶三千興煽
 鐵冶歲輸鐵一百三萬七千斤就鑄農器二十萬事易
 粟四萬石輸官河南隨處城邑市鐵之家令仍舊鼓鑄
 庚子河南路總管劉克興矯制括戶罷其職籍家資之
 半陞上都路望雲縣為雲州松山縣為松州賞前討渾
 都海戰功撒里都闊闊出等鈔二千一百七十四錠幣
 帛一千四百二十匹六月壬子河間益都燕京真定東

平諸路蝗乙卯以管民官兼統懷孟等軍俺撒戰歿
梁命其子忙兀帶爲萬戶佩金符戊午賜線真田戶六
百己未賜高麗國王王植羊五百癸酉賜拜忽公主所
部鈔千錠立上都惠民藥局建帝堯廟於平陽仍賜田
十五頃以線真爲中書右丞相塔察兒爲中書左丞相
秋七月癸未詔諸投下毋擅勾攝燕京路州縣官吏乙
酉禁野狐橫行營民毋入南北口縱畜牧損踐桑稼給
公主拜忽銀五萬兩合刺合納銀千兩乙未以故東平
權萬戶呂義死王事賜諡貞節戊戌詔弛河南沿邊軍
器之禁陞燕京屬縣安次爲東安州固安爲固安州河

南統軍司言屯田民爲保甲丁壯射生軍凡三千四百
人分戍沿邊州郡乞蠲他徭以之庚子詔賜諸王瓜都
牛馬價銀六萬三千一百兩壬寅詔禁益都路探馬赤
擾民以成都經畧司隸西川行院禁蒙古漢軍諸人煎
販私鹽詔山東經畧司徒膠萊莒密之民及竈戶居內
地中書省臣以妨煮鹽爲言遂令統軍司完復邊戍居
民竈戶毋徙詔阿朮戒蒙古軍不得以民田爲牧地燕
京河間開平隆興四路屬縣雨雹害稼八月戊申朔詔
霍木海總管諸路驛佩金符辛亥置元帥府于大理詔
東平大名河南宣慰司市馬千五百五十匹給阿朮等

軍陞宣德州爲宣德府隸上都以淄萊登三州爲總管
府治淄州命昔撒昔總制鬼國大理兩路兵部郎中劉
芳前使大理至吐蕃遇害命恤其家壬子命中書省給
北京西京轉運司車牛價鈔彰德路及洛磁二州旱免
彰德今歲田租之半洛磁十之六冀州蒙古百戶阿昔
等犯鹽禁沒入馬百二十餘匹以給軍士之無馬者甲
寅命成都路運米萬石餉潼川給鈔付劉整市牛屯田
分劉元禮等軍戍潼川命按敦將之丙辰詔以成都路
綿州隸潼川戊午以阿脫商擬行樞密院於成都凡成
都順慶潼川都元帥府並聽節制庚申以史天倪前爲
武僊所殺以武僊第賜其子楫癸亥敕京兆路給賜劉
整第一區田二十頃以夢八刺所部貧乏賜銀七千五
百兩給之甲子以西涼經兵居民困弊給鈔賑之仍免
租賦三年敕諸臣傳旨有疑者須覆奏丙寅以諸王只
必帖木兒部民困乏賜銀二萬兩給之壬申復置急遞
舖濱棣二州蝗真定路旱詔西涼流民復業者復其家
三年車駕至自上都九月壬午河南大名兩道宣慰司
所獲宋謀王立張達刁俊等十八人遇赦釋免給衣服
遣還乙酉立漕運河渠司己丑賜諸王阿只吉所部種
食牛具庚寅諭高麗上京等處毋重科歛民招諭濟南

濱棣流民遣使徵諸路賦稅錢帛民間所賣布帛有疎
薄狹短者禁之冬十月戊午初置隆興路驛十一月甲
申詔以歲不登量減阿述怯烈各軍行餉東平大名等
路旱量減今歲田租丙戌享于太廟以合丹塔察兒王
盤張文謙行事高麗國王王植以免置驛籍民等事遣
其臣韓就奉表來謝賜中統五年曆并蜀錦一仍命植
入朝立御衣尚食二局十二月丁未朔以鳳翔屯軍汪
惟正青居等軍刁國器平陽軍令益都元帥欽察統之
戊虎嘯寨甲戌敕駙馬愛不花蒲萄戶依民例輸賦也
里可溫荅失蠻僧道種田入租貿易輸稅丙子賜諸王
金銀幣帛如歲例是歲天下戶一百五十七萬九千一
百一十賦絲七十萬六千四百一斤鈔四萬九千四百
八十七錠斷死罪七人

至元元年春正月丁丑朔高麗國王王植遣使奉表來
賀壬午敕諸路宣慰司非奉旨無輒入覲以千戶張好
古歿一命其弟好義好禮金襲職為千戶癸巳以益
都武衛軍千人屯田燕京官給牛具以鄧州保甲軍二
千三百二十九戶隸統軍司戊戌楊大淵進花羅紅邊
絹各百五十段優詔諭之己亥立諸路平準庫癸亥命
諸王位下工匠已籍為民者並徵差賦儒釋道也里可

溫達失蠻等戶舊免租稅今並徵之其蒙古漢軍站戶
所輸租減半西北諸王率部民來歸勅北京西京宣慰
司隆興總管府和糴以備糧餉築冷水河城命千戶土
虎等戍之罷南邊互市申嚴持軍器販馬越境私商之
禁二月辛亥賀福等六人告平陽太原漏籍戶詔賞以
官廷臣以非材對給鈔與之勅選儒士編修國史譯寫
經書起館舍給俸以贍之壬子修瓊花島發北京都元
帥阿海所領軍疏雙塔漕渠甲寅以故亳州千戶邸閏
陷于宋命其子榮祖襲職丙辰罷陝西行戶部丁卯太
陰犯南斗癸酉車駕幸上都詔諸路總管文權等二十

三人赴上都大朝會弛邊城軍器之禁三月庚辰設周
天熊于長春宮己亥命尚書宋子貞陳時事子貞條具
以聞詔獎諭命中書省議行之辛丑詔四川行院命阿
脫專掌軍政其刑名錢穀商挺任之立漕運司以王光
益為使夏四月戊申以彰德洛磁路引漳滏洹水灌田
致御河淺澁鹽運不通塞分渠以復水勢辛亥太陰犯
軒轅御女星壬子東平太原平陽旱分遣西僧祈雨己
卯詔高麗國王王植來朝上都修世見之禮辛酉以四
川茶鹽商酒竹課充軍糧楊大淵以部將王仲得宋將
咎萬壽書殺之詔以其事未經鞠問或墮宋人行間之

計豈宜輒施刑戮詰責大淵仍存恤仲家御苑官南家帶請修駐蹕涼樓并廣牧地詔涼樓俟農隙牧地分給農之無田者丁卯追治李壇逆黨萬戶張邦直兄翁及姜郁李在等二十七人罪戊辰給新附戍軍糧餉高麗國王王植遣其臣金祿來貢五月乙亥詔遣唆脫顏郭守敬行視西夏河渠俾具圖來上庚辰勅劔州守將分軍守劔門置驛於人頭山丙戌太陰犯房丁亥釋宋私商五十七人給糧遣歸其國己丑以平陰縣尹馬欽發私粟六百石贍饑民又給民粟種四百餘石詔獎諭特賜西錦五端以旌其義乙未初置四川急遞鋪丙申賜

諸王欽察銀萬兩濟其所部貧乏者己亥太陰犯昴以中書右丞粘合南合爲平章政事邛部川六番安撫招討使都王明亞爲隣國建都所殺敕其子伯佗襲職賜金符六月乙巳召王鶚姚樞赴上都宋制置夏貴率兵欲攻虎嘯山敕以萬戶石抹札刺一軍益欽察戍之戊申高麗國王王植來朝秋七月甲戌彗星出輿鬼昏見西北貫上台掃紫微文昌及北斗旦見東北凡四十餘日以阿合馬言益解州鹽課均賦諸色僧道軍匠等戶其太原小鹽聽從民便癸未改新鳳州爲徽州以西番十八族部立安西州行安撫司事丁亥諸王筭吉所

部營帳軍民被火發粟賑之庚寅給諸王也速不花印
壬辰特詔諭鞏昌路總帥汪惟正勞勉之賜元寶交鈔
三萬貫仍戍青居賜諸王玉龍荅失印仍以先朝獵戶
賜之丁酉龍門禹廟成命侍臣阿合脫因代祀己亥定
用御寶制凡宣命一品二品用玉三品至五品用金其
文曰皇帝行寶者卽位時所鑄惟用之詔誥別鑄宣命
金寶行之庚子阿里不哥自昔木土之敗不復能軍至
是與諸王玉龍荅失阿速帶昔里給其所謀臣不魯花
忽察禿滿阿里察脫忽思等來歸詔諸王皆太祖之裔
僉釋不問其謀臣不魯花等皆伏誅八月壬寅朔陝西

行省臣上言川蜀戍兵軍需請令與魯官徵入官庫移
文於近戍官司依數取之宋新附民宜撥地土衣糧給
其牛種仍禁邊將分匿人口商州險要乞增戍兵陝西
獵戶移獵商州河西鳳翔屯田軍遷戍興元四川各翼
軍有地者徵其稅給無田者糧皆從之甲辰詔秦蜀行
省發銀二十五萬兩給沿邊歲用乙巳立諸路行中書
省以中書左丞相耶律鑄叅知政事張惠等行省事詔
新立條格省併州縣定官吏員數分品從官職給俸祿
頒公田計月日以考殿最均賦役招流移禁勿擅用官
物勿以官物進獻勿借易官錢勿擅科差役凡軍馬不

得停泊村坊詞訟不得隔越陳訴恤鰥寡勸農桑驗苗
澤平物價具盜賊囚徒起數月申省部又頒陝西四州
西夏中興北京三處行中書條格定立諸王使臣驛傳
稅賦差發不許擅招民戶不得以銀與非投下人爲幹
脫禁口傳勅旨及追呼省臣官屬詔蒙古戶種田有馬
牛羊之家其糧住支無田者仍給之庚戌命燕王署勅
諸王設僚屬及說書官諸站戶限田四頃免稅供驛馬
及祇應命各路總管府兼領其事癸丑命僧子聰同議
樞密院事詔子聰復其姓劉氏易名秉忠拜太保叅領
中書省事乙卯詔改燕京爲中都其大興府仍舊增

省叅佐掾史月俸丙辰劉秉忠王鶚張文謙商挺言燕
王旣署相銜宜於省中別置幕位每月一再至判署朝
政其說書官皇子忙安以李磐爲之南木合以高道爲
之丁巳以改元大赦天下詔曰應天者惟以至誠拯民
者莫如實惠朕以菲德獲承慶基內難未戡外兵未戢
夫豈一日于今五年賴天地之畀矜暨祖宗之垂裕凡
我同氣會於上都雖此日之小康敢朕心之少肆比者
星芒示儆雨澤愆常皆闕政之所繇顧斯民之何罪宜
布惟新之令溥施在宥之仁據不魯花忽察禿滿阿里
察脫火思輩構禍我家照依太祖皇帝扎撒正典刑訖

可大赦天下改中統五年爲至元元年於戲否徃秦來
迓續亨嘉之會鼎新革故正資輔弼之良咨爾臣民體
予至意戊午給益都武衛軍千人冬衣己未鳳翔府龍
泉寺僧超過等謀亂遇赦沒其財羈管京兆僧司同謀
蘇德責令從軍自効發萬戶石抹札刺所部千人赴
商州屯田亳州軍六百八人及河南府軍六十人助欽
察戍青居勅山東經畧副使武秀選益都新軍千人充
武衛軍赴中都城郊以沂州監戰塔思萬戶孟義所部
兵戍之太原路總管攸忙兀帶坐藏甲匿戶罷職爲民
九月壬申朔立翰林國史院以改元詔諭高麗國并赦
其境內辛巳車駕至自上都庚寅益都毛璋謀逆二子
及其黨崔成金伏誅籍其家貲賜行省撒吉思冬十月
壬寅朔高麗國王王植來朝乙巳禁上都畿內捕獵庚
戌有事于太廟壬子恩州歷亭縣進嘉禾一莖五穗戊
辰改武衛軍爲侍衛親軍十一月丙子詔宋人歸順及
北人陷沒來歸者皆月給糧食辛巳征骨嵬先是吉里
迷內附言其國東有骨嵬亦里于兩部歲來侵疆故徃
征之乙丑以至元二年曆日賜高麗國王王植禁登州
和州等處并女直人入高麗界剽掠辛卯召衛州太一
五代度師李居素赴闕壬辰罷領中書左右部併入中

書省以領中書省左右部兼諸路都轉運使知太府監
事阿合馬爲平章政事領中書省左右部兼諸路都轉
運使阿里爲中書右丞丁酉太原路臨州進嘉禾二莖
以元帥按敦劉整劉元禮欽察等將士獲功賞賚有差
十二月乙巳罷各投下達魯花赤定中外百官儀從丁
未勅遣宋諜者四人還其國戊午賞拔都軍人銀五十
萬兩甲子太陰犯房乙丑以王鑑昔使大理沒於王事
其子天赦不能自存優恤之丁卯勅鄧州沿邊增立菜
莫常平建陵季陽四堡戊辰命選善水者一人沿黃河
計水程達東勝可通漕運馳驛以聞庚午詔罷樞密院
斷事官及各路與魯官令總管府兼總押所始罷諸侯
世守立遷轉法是歲眞定順天洺磁順德大名東平曹
濮州泰安高唐濟州博州德州濟南濱棣淄萊河間大
水賜諸王金銀幣帛如歲例戶一百五十八萬八千一
百九十五斷死罪七十三人

元史卷五終

元史卷六

本紀第六

皇明翰林學士中大夫知制誥兼脩國史臣宋濂

翰林待制奉直郎知制誥兼國史院編修官臣王禕等奉勅脩

世祖三

二年春正月辛未朔日有食之癸酉山東廉訪使言眞
定路總管張宏前在濟南乘變盜用官物詔以宏嘗告
李壇反免宏死罪罷其職徵贓物償官邳州萬戶張邦
直等違制販馬金處死勅徙鎮海百里八謙謙州諸色

康熙二十五年重修

元史卷六

本紀

匠戶於中都給銀萬五千兩爲行費又徙奴懷忒木帶
兒穢手人匠八百名赴中都造船運糧已卯北京路行
省給札刺赤戶東徙行糧萬石以鄧州監戰訥懷新舊
軍萬戶董文炳並爲河南副統軍甲申詔申嚴越界販
馬之禁違者處死乙酉以河南北荒田分給蒙古軍耕
種戊子諸王塔察兒使臣關關出至北京花道驛手殺
驛吏郝用郭和尚有旨徵鈔十錠給其主贖死庚寅城
西番匣答路癸巳八東乞兒部牙西來朝貢銀鼠皮二
千賜金素幣各九帛十有八武城縣王氏妻崔一產三
男丁酉給親王玉龍答失部民糧二千石高麗國王王

植遣其弟公珣奉表來貢二月辛丑朔元帥按東與宋
兵戰于釣魚山敗之獲戰艦百四十六艘甲辰初立宮
闈局戊申賜親王兀魯帶河間王印給所部米千石丁
巳車駕幸上都癸亥并六部爲四以麥木丁爲吏禮部
尚書馬亨戶部尚書嚴忠範兵刑部尚書別魯丁工部
尚書禁山東東路私煎硝礬甲子以蒙古人充各路達
魯花赤漢人充總管回回人充同知永爲定制以同知
東平路宣慰使寶合丁爲平章政事山東廉訪使王晉
爲叅知政事廉希憲商挺罷詔併諸王只必帖木兒所
設管民官屬詔諭總統所僧人通五大部經者爲中選

以有德業者爲州郡僧錄判正副都綱等官仍於各路
設三學講三禪會三月癸酉骨嵬國人襲殺吉里迷部
兵勅以官粟及弓甲給之下亥勅邊軍習水戰屯田誅
宋諜李富住乙未罷南北互市括民間南貨官給其直
遼東饑發粟萬石鈔百定賑之夏四月戊午賜諸王合
必赤亦怯烈金素幣各四拜行金幣一五月壬午賞萬
戶晃里答兒所部征吐蕃功銀四百五十兩戊子禁北
京平灤等處人捕獵庚寅令軍中犯法不得擅自誅戮
罪輕斷遣重者聞奏勅上都商稅酒醋諸課毋徵其權
鹽仍舊諸人自願徙居禾業者復其家詔西川山東南
京等路戍邊軍屯田閏五月癸卯升脩縣爲景州辛亥
檢覈諸王兀魯帶部民貧無孳畜者三萬七百二十四
人人月給米二斗五升四閱月而止丙辰雅州碉門宣
撫使請復碉門城邑詔相度之癸亥移秦蜀行省於興
元丙寅命四川行院分兵屯田丁卯分四親王南京屬
州鄭州隸合丹鈞州隸明里睢州隸孛羅赤蔡州隸海
都他屬縣復還朝廷以平章政事趙璧行省于南京河
南府大名順德洛磁彰德懷孟等路平章政事廉希憲
行省事于東平濟南益都淄萊等路中書左丞姚樞行
省事于西京平陽太原等路詔諸路州府若自古名郡

戶數繁庶且當衝要者不須改併其戶不滿千者可併
則併之各投下者併入所隸州城其散府州郡戶少者
不須更設錄事司及司候司附郭縣止令州府官兼領
括諸路未占籍戶任差職者以聞六月戊申朔新得州
安撫向良言頃以全城內附元領軍民流散南界者多
欲歸順並乞招徠從之又勅良以所領新降軍民移戍
通江縣行新得州事辛未賜阿朮所部馬價鈔一千二
十三錠有奇丙子太陰犯心大星戊寅移山東統軍司
於沂州萬戶重喜立十字路復正陽命禿剌戍之己卯
以淇州隸懷孟路高麗國王王植遣其臣榮胤伯奉表
來賀聖誕節千戶闊闊出部民乏食賜鈔賑之王晉
樞密院臣言各路出征逃亡漢軍及貧難未起戶并投
下隱匿事故者宜一槩發遣應役從之勅行院及諸軍
將校卒伍須正身應役違者罪之秋七月辛酉益都大
蝗饑命減價糶官粟以賑癸亥安南國王陳光昞遣使
奉表來貢甲子詔賜光昞至元三年曆八月丙子濟南
路鄒平縣進芝草一本戊寅高麗國王王植遣使來貢
方物己卯諸宰職皆罷以安童爲中書右丞相伯顏爲
中書左丞相戊子召許衡於懷孟楊誠於益都車駕至
自上都九月戊戌以將有事太廟取大樂工於東平預

習儀禮勅江淮沿邊樹柵徐宿邳三州助役徒庚子皇
孫鐵穆爾生丁巳賞諸王只必帖木兒麾下河西戰功
銀二百五十兩冬十月巳卯享于太廟癸未勅順天張
柔東平嚴忠濟河間馬總管濟南張林太原石抹總管
等戶改隸民籍統軍抄不花萬戶懷都麾下軍士所俘
宋人九十三口官贖爲民其私越禁界掠獲者四十五
人許令親屬完聚並種田內地戊子詔隨路私商曾入
南界者首實免罪充軍十一月丙申召李昶於東平辛
丑賜諸王只必帖木兒銀二萬五千兩鈔千錠癸丑賞
楊文安戰功金五十兩所部軍銀六百兩及幣帛有差

甲子詔事故貧難軍不堪應役者以兩戶或三戶合併
正軍一名其丁單力備者許顧人應役十二月巳巳省
併州縣凡二百二十餘所庚午宋子貞言朝省之政不
宜數行數改又刑部所掌事干人命尚書嚴忠範年少
宜選老於刑名者爲之又請罷北京行中書省別立宣
慰司以控制東北州郡並從之禁朝省告許以息爭訟
辛未以諸王也速不花所部成西蕃軍屢有戰功賞銀
三百兩癸酉召張德輝於真定徒單公履於衛州丁丑
詔諭高麗賜至元三年曆日癸未賜劉秉忠金五十兩
甲申賜伯顏宋子貞楊誠銀千兩鈔六十錠丁亥勅選

諸翼軍富强才勇者萬人充侍衛親軍己丑瀆山大玉
海成勅置廣寒殿是歲戶一百五十九萬七千六百一
絲九十八萬六千二百八十八斤包銀鈔五萬七千六
百八十二錠賜諸王金銀幣帛如歲例彰德大名南京
河南府濟南淄萊太原弘州電西京北京益都真定東
平順德河間徐宿邳蝗旱太原霜災斷死罪四十二人
三年春正月乙未高麗國王王植遣使來賀丙午遣朶
端趙璧持詔撫諭四川將吏軍民壬子立制國用使司
以阿合馬爲使癸丑選女直軍二千爲侍衛軍四川行
樞密院謀取嘉定請益兵命朶端趙璧摘諸翼蒙古漢
軍六千人付之二月丙寅廉希憲宋子貞爲平章政事
張文謙復爲中書左丞史天澤爲樞密副使癸酉立潘
州以處高麗降民壬午平陽路僧官以妖言惑衆伏誅
以中書右丞張易同知制國用使司事叅知政事張惠
爲制國用副使癸未車駕幸上都甲申罷西夏行省立
宣慰司初製太常禮樂工冠服立東京廣寧懿州開元
恤品合懶娑娑等路宣撫司乙酉蠲中都今年包銀四
分之一詔理斷阿木部下所俘人口畜牧及其草地爲
民侵種者以制國用使司條畫諭中外官吏三月辛巳
分衛輝路爲親王玉龍蒼失分地戊戌賑水達達民戶

元史卷之六十五

儀已未王晉及待中和哲斯濟南益都轉運使王明陔
隱匿鹽課皆伏誅夏四月丁卯五山珎御榻成置瓊華
島廣寒殿亳州水軍千戶胡進等領騎兵渡淝水逾荆
山與宋兵戰殺獲甚衆賞鈔幣有差庚午勅僧道祈福
於中都寺觀詔以僧機爲總統居慶壽寺己卯申嚴瀕
海私鹽之禁勅宮燭毋彩繪五月乙未遣使諸路慮囚
庚子勅太醫院領諸路醫戶惠民藥局辛丑以黃金飾
渾天儀丙午浚西夏中興漢延唐來等渠凡良田爲僧
所據者聽蒙古人分墾丙辰罷益都行省蠲平灤益都
質子戶賦稅之半六月丁卯封皇子南木合爲北平王
以印給之辛未徙歸化民於清州興濟縣屯田官給牛
具壬申賜劉整畿內地五十頃癸酉以千戶扎刺兒沒
于王事賜其妻銀二百五十兩丙子立漕運司戊寅以
陝西行省平章賽典赤等政事修治賜銀五千兩命山
東統軍副使王仲仁督造戰船于汴申嚴陝西河南竹
禁立拱衛司秋七月丙申罷息州安撫司壬寅詔上都
路總管府遇車駕巡幸行留守司事車駕還卽復舊內
午遣使祀五嶽四瀆甲寅添內外巡兵外路每百戶選
中產者一人充之其賦令餘戶代輸在都增武衛軍四
百己未以崞代堅臺四州隸忻州詔令西夏避亂之民

還本籍成都新民爲豪家所庇者皆歸之州縣詔招集
逃亡軍限百日詣所屬陳首原其罪貧者併戶應役八
月癸亥賜丞相伯顏第一區丁卯以兵部侍郎黑的禮
部侍郎殷弘使日本賜書曰皇帝奉書日本國王朕惟
自古小國之君境土相接尚務講信脩睦况我祖宗受
天明命奄有區夏遐方異域畏威懷德者不可悉數朕
卽位之初以高麗無辜之民久瘁鋒鏑卽令罷兵還其
疆場反其旄倪高麗君臣感戴來朝義雖君臣而歡若
父子計王之君臣亦已知之高麗朕之東藩也日本密
通高麗開國以來時通中國至於朕躬而無一乘之使

以通和好尚恐王國知之未審故特遣使持書布告朕
心冀自今以往通問結好以相親睦且聖人以四海爲
家不相通好豈一家之理哉以至用兵夫孰所好王其
圖之又詔高麗導去使至其國戊子高麗國王王植遣
其大將軍朴琪來賀聖誕節阿木畧地斬黃俘獲以萬
計九月戊午車駕至自上都冬十月庚申朔降德興府
爲奉聖州癸亥高麗使還以王植病詔和藥賜之丁丑
徙平陽經籍所于京師更勅牒舊式太廟成丞相安童
伯顏言祖宗世數尊諡廟號增祀四世各廟神主配享
功臣法服祭器等事皆宜定議命平章政事趙璧等集

羣臣議定爲入室申禁京畿畋獵壬午命制國用使司
造神臂弓千張矢六萬十一月辛卯初給京府州縣司
官吏俸及職田戊戌瀕御河立曹倉丁未申嚴殺牛馬
之禁宋子貞致仕辛亥以忽都荅兒爲中書左丞相詔
禁天文圖讖等書丙辰千戶散竹帶以嗜酒失所守大
良平罪當死錄其前功免死令往東川軍前自效詔建
都使復歸朝又詔嘉定等府沿江一帶城堡早降又詔
四川行樞密院遣人告諭江漢庸蜀等效順具官吏姓
名對階換授有功者遷有才者用民無生理者以衣糧
賑之願遷內地者給以田廬毋令失所十二月庚申
諸王合必赤行軍印辛酉詔改四川行樞密院爲行中
書省以賽典赤也速帶兒等爲行中書省事甲子立諸
路洞冶所以梁成生擒宋總轄官授同知開府事佩金
符減輝州竹課先是官取十之六至是減其二丁亥詔
安肅公張柔行工部尚書段天祐等同行工部事修築
宮城併太府監入宣徽院仍以宣徽使專領監事詔賜
高麗以至元四年曆日仍慰諭之建大安閣于上都鑿
金口導盧溝水以漕西山木石勅諸越界私商及謀人
與僞造鈔者送京師審覈是歲天下戶一百六十萬九
千九百三東平濟南益都平灤真定洛磁順天中都河

間北京蝗京兆鳳翔旱斷死罪九十六人賜諸王金銀幣帛如歲例

四年春正月甲午陝西行省以開州新得復失請益兵勅平陽延安等處簽民兵三千人山東河南懷孟潼川調兵七千人益之丁酉申嚴平陽等處私鹽之禁壬寅立茶速禿水十四驛癸卯勅修曲阜宣聖廟乙巳百濟遣其臣梁浩來朝賜以錦繡有差禁僧官侵理民訟辛亥封安肅公張柔爲蔡國公以趙璧爲樞密副使立諸路洞冶都總管府癸丑勅封肯木土山爲武定山其神曰武定公泉爲靈淵其神曰靈淵侯僉蒙古軍戶二丁

三丁者出一人爲軍四丁五丁者二人六丁七丁者三人乙卯高麗國王王植遣使來朝詔撫慰之戊午立提點宮城所析上都隆興府自爲一路行總管府事立開元等路轉運司城大都二月庚申粘合南合復平章事阿里復爲中書右丞丁卯改經籍所爲弘文院以馬天昭知院事丁亥括西夏民田徵其租車駕幸上都詔陝西行省招諭宋人又詔嘉定瀘州重慶夔府涪達忠萬及釣魚禮義大良等處官吏軍民有能率衆來降者優加賞擢三月己丑復以耶律鑄爲中書左丞相辛卯自潼關至蘄縣立河渡宮八員以察姦僞乙未勅中都路

建習樂堂使樂工隸業其中巳亥賜皇子燕王忙阿剌
那沒罕忽哥赤銀三萬兩辛丑夏津縣大雨雹壬寅安
童言比者省官員數平章左丞各一員今丞相五人素
無此例臣等議擬設二丞相臣等蒙古人三員惟陛下
所命詔以安童爲長史天澤次之其餘蒙古漢人叅用
勿令員數過多又詔宜用老成人如姚樞等一二員同
議省事丁巳耶律鑄制宮縣樂成詔賜名大成夏四月
甲子新築宮城辛未遣使祀岳瀆五月丁亥朔日有食
之勅上都重建孔子廟乙未應州大水丙申威州山後
大番弄麻等十一族來附賜以璽書金銀符巳酉以推
獵戶達魯花赤偽造銀符處死壬子勅諸路官吏俸令
包銀民戶每四兩增納一兩以給之丙辰析東平之博
州五城別爲一路六月壬戌以中都順天東平等處蠶
災免民戶絲料輕重有差乙丑復以史天澤爲中書左
丞相忽都答兒耶律鑄並降平章政事伯顏降中書右
丞廉希憲降中書左丞阿里張文謙並降叅知政事乙
酉賜諸王玉龍答失銀五千兩幣三百歲以爲常罷宣
徽院黑的殷弘以高麗使者宋君斐金贊不能導達至
日本來奏降詔責高麗王王植仍令其遣官至彼宣布
以必得要領爲期秋七月丙戌朔勅自中興路至西京

之東勝立水驛十戍戍罷息州安撫岳林以其民隸南
京路罷懷孟路安撫李宗傑以其民隸本路發章昌麻
翔京兆等處未占籍戶一千修治四川山路橋梁棧道
大名路達魯花赤愛魯總管張弘範等盜用官錢罷之
壬寅申嚴京畿牧地之禁甲寅詔亦卽納新附貧民從
人借貸困不能償者官爲償之仍給牛具種實及糧食
簽東京軍千八百人充侍衛軍八月庚申填星犯天鐔
辛酉申嚴平灤路私鹽酒醋之禁丙寅復立宣徽院以
前中書右丞相線真爲使丁丑封皇子忽哥赤爲雲南
王賜駝鈕金鍍銀印壬午太白犯軒轅大星命怯綿征
建都高麗國王王禩遣其秘書監郭汝弼來賀聖誕節
阿木畧地至襄陽俘生口五萬馬牛五千宋人遣步騎
來拒阿木率騎兵敗之九月壬辰作玉殿于廣寒殿中
乙未總帥汪良臣請立寨於毋章德山控扼江南以當
釣魚之衝從之戊申以許衡爲國子祭酒安南國王陳
光昞遣使來貢優詔答之立大理等處行六部以闊闊
帶爲尚書兼雲南王傅柴禎尚書兼府尉甯源侍郎兼
司馬庚戌遣雲南王忽哥赤鎮大理鄯闡茶罕章赤禿
哥兒金齒等處詔撫諭吏民又詔諭安南國俾其君長
來朝子弟入質編民出軍役納賦稅置達魯花赤統治

之癸丑申嚴西夏中興等路僧尼道士商稅酒醋之禁
車駕至自上都王鶚請立選舉法有旨令議舉行有司
難之事遂寢冬十月辛酉制國用司言別怯赤山石絨
織爲布火不能然詔採之壬戌賜駙馬不花銀印魚通
崑州等處達魯花赤李福招諭西番諸族酋長以其民
入附以阿奴版的哥等爲喝吾等處總管並授璽書及
金銀符鐵旗城後番官官折蘭遣其子天郎持先受憲
宗璽書金符乞改授新命從之甲子歲星犯軒轅大星
辛未太原進嘉禾二本異畝同穎甲戌賑新附民陳忠
等鈔丁丑制國用使司請量節經用從之庚辰定品官
子孫廕敘格十一月乙酉享于太廟戊戌立新察縣以
忽察李家奴統所部兵戍之甲辰立陝西府路總帥府戍
開州乙巳填星犯天鐔距星申嚴京畿畋獵之禁南京
宣慰劉整赴闕奏攻宋方畧宜先從事襄陽十二月甲
戌賞河南路統軍使訥懷所部將士功銀九千六百
五十兩鈔幣鞍勒有差丙子賑親王移移相哥所部饑民
丁丑給遼東新簽軍布六萬匹己卯立遼東路水驛七
賞元帥阿朮部下有功將士二千二十五人銀五萬五
千三百兩金五十兩及錦綵鞍勒有差庚辰簽女直水
達達軍三千人立諸位幹脫總管府省平陽路岳陽和

州二縣入冀氏復置霸州益津縣省安西路棧陽縣入
臨潼是歲天下戶口一百六十四萬四千三十山東河
南北諸路蝗順天東鹿縣旱免其租斷死罪一百十四
人賜諸王金銀幣帛如歲例

五年春正月甲午太陰犯井庚子上都建城隍廟辛丑勅
陝西五路四川行省造戰艦五百艘付劉整高麗國王
王植遣其弟滄來朝詔以植飾辭見欺面數其事於滄
切責之復遣北京路總管于也孫脫禮部郎中孟甲持
詔往諭令具表遣海陽公金俊侍郎李藏用與去使同
來以聞庚戌賜高麗國新曆閏月戊午以陳亳穎蔡等

處屯田戶充軍令益都漏籍戶四千淘金登州栖霞縣
每戶輸金歲四錢二月戊子太陰犯天關己丑太陰犯
井給河南山東貧乏軍士鈔戊戌改軍器局爲軍器監
辛丑百戶渾都速駐營濟南路屬縣三年脅取民飲食
糧料當粟五千石勅杖決之仍償粟千石析甘州路之
肅州自爲一路三月丙寅罷諸路四品以下子孫入質
者田禹妖言赦減死流之遠方禁民間兵器犯者驗多
寡定罪甲子赦怯綿率兵二千招諭建都壬申改母章
德山爲定遠城武羣山爲武勝軍丁丑赦阿里等詣軍
前閱視軍籍罷諸路女直契丹漢人爲達魯花赤者回

回畏兀乃蠻唐兀人仍舊夏四月壬寅遣使祀嶺瀆五月辛亥朔以太醫院拱衛司教坊司及尚食尚果尚醞三局隸宣徽院癸亥都元帥百家奴拔宋嘉定五花石城白馬三砦癸酉賜諸王禾忽及八刺合幣帛六萬匹六月辛巳朔濟南王保和以妖言惑眾謀作亂勅誅首惡五人餘勿論甲申中山大雨雹阿朮言所領者蒙古軍若遇山水砦柵非漢軍不可宜令史樞率漢軍協力征進從之戊申東平等處蝗已酉封諸王習怯吉爲河平王賜駝鈕金印秋七月辛亥召翰林直學士高鳴順州知州劉瑜中都郝謙李天輔韓彥文李祐赴上都以山東統軍副使王仲仁戍眉州壬子詔陝西統軍司兼領軍民錢穀罷各路輿魯官令管民官兼領癸丑立御史臺以右丞相塔察兒爲御史大夫詔諭之曰臺官職在直言朕或有未當其極言無隱毋憚他人朕當爾主仍以詔諭天下立高州北二驛戊辰罷西夏宣撫司庚午省諸路打捕鷹坊工匠洞冶總管府令轉運司兼領之丙子立西夏惠民局高麗國王王植遣其臣崔東秀來言備兵一萬造船千隻詔遣都統領脫朶兒往閱之就相視黑山日本道路仍命耽羅別造船百艘以伺調用詔四川行省賽典赤自利州還京兆立東西二川統

軍司以劉整爲都元帥與都元帥阿木同議軍事整至
軍中議築白河口鹿門山遣使以聞許之罷軍中諸司
叅議八月乙酉程思彬以投匿名書言斥乘輿伏誅已
丑亳州大水庚子救京師瀕河立十倉命忙古帶率兵
六千征西番建都九月癸丑中都路水免今年田租罷
中都路和顧所丁巳附木統兵圍樊城敕長春宮修設
金籙周天大醮七晝夜建堯廟及后土太寧宮庚申賜
安南國王陳光昞錦綉及其諸臣有差已丑立河南屯
田命兵部侍郎黑的禮部侍郎殷弘齋國書復使日本
仍詔高麗國遣人導送期於必達毋致如前稽阻詔諭

安南國陳光昞來奏稱占城真臘二寇侵擾已命卿調
兵與不干併力征討今復命雲南王忽哥赤統兵南下
卿可遵前詔遇有叛亂不庭爲邊寇者發兵一同進討
降服者善爲撫綏車駕至日上都益都路饑以米三十
一萬八千石賑之復以史天澤爲樞密副使冬十月戊
寅朔日有食之己卯敕中書省樞密院凡有事與御史
臺官司奏立河南等路行中書省以叅知政事阿里行
中書省事庚辰以御史中丞阿里爲叅知政事壬午詔
恤沿邊諸軍其橫科差賦責與魯官償之庚寅敕從臣
禿忽思等錄毛詩孟子論語乙未享于太廟中書省臣

言前代朝廷必有起居注故善政嘉謨不致遺失卽以和禮霍孫獨胡刺充翰林待制兼起居注敕給黎雅嘉定新附民田戊戌宮城成劉秉忠辭領中書省事許之爲大保如故十一月己酉簽河南山東邊城附籍諸色戶克軍庚申宋兵自襄陽來攻汾山諸寨阿米分諸軍禦之斬獲甚衆立功將士千三百四人詔首立戰功生擒敵軍者各賞銀五十兩其餘賞賚有差癸酉御史臺臣言立臺數月發槌甚多追理侵欺糧粟近二十萬石錢物稱是有詔褒諭免南京河南兩路來歲修築都城役夫十二月戊寅以中都濟南益都淄萊河間東平南京順天順德眞定恩州高唐濟州北京等處大水免今年田租敕二分二至及聖誕節日祭皇于司天臺詔諭四川行省沿邊屯戍軍士逃役者處死復置乾州奉天縣省好時永壽人焉以鳳州隸興元路德興府改奉聖州隸宣德是歲京兆大旱天下戶一百六十五萬二百八十六斷死罪六十九人賜諸王金銀幣帛如歲例六年春正月癸丑高麗國王王植遣使以誅權臣金佖來告賜曆日西錦立四道按察司戊午阿米軍入宋境至復州德安府荆山等處俘萬人而還庚申以叅知政事楊果爲懷孟路總管甲戌益都淄萊大水恩州饑命

賑之敕史天澤與樞密副使駙馬忽刺出董師襄陽二月壬午以立四道提刑按察司詔諭諸道己丑詔以新製蒙古字頒行天下丙申罷宣德府稅課所以上都轉運司兼領改河南懷孟順德三路稅課所爲轉運司丁酉簽民兵二萬赴襄陽賑欠州人匠貧乏者米五千九百九十九石敕鞍靴箭鏃等物自今不得以黃金爲飾開元等路饑減戶賦布二疋秋稅減其半水達達戶減青鼠二其租稅被災者免徵免單丁貧乏軍士一千九百餘戶爲民癸卯給河南行省鈔千錠犒軍三月甲寅詔益都路簽軍萬人給鈔二十五貫戊午賑曹州饑築堡鹿門山夏四月辛巳製玉璽大小十紐甲午遣使祀岳瀆大名等路饑賑米十萬石五月丙午東平路饑賑米四萬一千三百餘石辛酉詔禁戍邊軍士牧踐屯田禾稼六月辛巳以招討怯綿征建都敗績又擅追唆火兒璽書金符處死壬午免益都新簽軍單丁者千六百二十一人爲民丁亥河南河北山東諸郡蝗癸巳敕真定等路阜蝗其代輸築城役夫戶賦悉免之丙申高麗國王王植遣其世子堪來朝賜植玉帶一堪金五十兩從官銀幣有差壬寅阿木率兵萬五千人阨宋萬山射塚岡鬼門關樵蘇之路癸卯詔董文炳等率兵二萬

二千入南征東昌路饑賑米二萬七千五百九十石秋
七月丁巳遣宋私商四十五人還其國庚申水軍千戶
邢德立張志等生擒宋荆鄂都統唐永堅賞銀幣有差
辛酉製太常寺祭服壬戌西京大雨雹巳巳立諸路蒙
古字學癸酉立國子學詔遣官審理諸路冤滯正犯死
罪明白者各正典刑其雜犯死罪以下量斷遣之又詔
諭宋國官吏軍民示以不欲用兵之意復遣都統領脫
朶兒統領王昌國等往高麗點閱所備兵船及相視耽
羅等處道路立西蜀四川監榷茶場使司宋將夏貴率
兵船三千至鹿門山萬戶解汝楫李庭率舟師敗之俘
殺二千餘人獲戰艦五十艘八月巳卯立金州招討司
丙申以沙肅州鈔法未行降詔諭之詔諸路勸課農桑
命中書省采農桑事列爲條目仍令提刑按察司與州
縣官相風土之所宜講究可否別頒行之高麗國世子
愷奏其國臣僚擅廢國王王植立其弟安慶公曄詔遣
韓朶思不花李諤等往其國詳問條具以聞九月癸丑
恩州進嘉禾一莖三穗戊午敕民間貸錢取息雖踰限
止償一本息巳未授高麗世子王愷特進上柱國東安
公壬戌豐州雲內東勝旱免其租賦戊辰敕高麗世子
愷率兵三千赴其國難愷辭東安公乃授特進上柱國

辛未敕管軍萬戶宋仲義征高麗以忽刺出史天澤金平章政事阿里中書右丞行河南等路中書省事賽典赤行陝西五路西蜀四川中書省事車駕至自上都幹朶思不花李諤以高麗刑部尚書金方慶至奉權國王涓表訴國王植遘疾令弟涓權國事冬十月己卯定朝儀服色壬午陞高唐冠氏爲州丁亥廣平路旱免租賦詔遣兵部侍郎黑的淄萊路總管府判官徐世雄召高麗國王王植王弟涓及權臣林衍俱赴闕命國王頭輦哥以兵壓其境趙壁行中書省于東京仍降詔諭高麗國軍民庚子太陰犯辰星宋遣人餽鹽糧入襄陽我軍獲之賜諸王輿魯赤駝鈕金鍍銀印十一月癸卯高麗都統領崔坦等以林衍作亂挈西京五十餘城來附丁未簽王綽洪茶丘軍三千人往定高麗高麗西京都統李延齡乞益兵遣忙哥都率兵二千赴之庚午敕諸路鰥寡廢疾之人月給米二斗安南國王陳光昞遣使來貢濟南饑以米十二萬八千九百石賑之高麗國王王植遣其尚書禮部侍郎朴休從黑的入朝表稱受詔已復位尋當入覲築新城于漢江西十二月戊子築東安渾河堤己丑作佛事于太廟七晝夜高唐固安二州饑以米二萬六百石賑之析彭德懷孟衛輝爲三路陞

林慮縣爲林州改楨州復爲韓城縣併省馮翊等州縣
十所以懿州廣寧等府隸東京是歲天下戶一百六十
八萬四千一百五十七賜諸王金銀幣帛如歲例斷死
罪四十二人

元史卷七

元史卷七

本紀第七

皇明翰林學士中大夫知制誥兼脩國史臣宋濂

翰林待制直學士知制誥兼國史院編修官臣王禕等奉勅脩

世祖四

七年春正月辛丑朔高麗國王王植遣使來賀丙午耶
律鑄廉希憲罷立尚書省罷制國用使司以平章政事
忽都答兒爲中書左丞相國子祭酒許衡爲中書左丞
制國用使阿合馬平章尚書省事同知制國用使司事

康熙二十五年重修

元史卷七

本紀

張易同平章尚書省事制國用使司副使張惠簽制國
用使司事李堯咨麥木丁企參知尚書省事巳酉太陰
犯畢敕諸投下官隸中書省壬子赦驛券無印者不許
乘傳甲寅高麗國王王植遣使來言比奉詔臣已復位
今從七百人入覲詔令從四百人來餘留之西京詔高
麗西京內屬改東寧府畫慈悲嶺爲界丁巳以蒙哥爲
安撫高麗使佩虎符率兵戍其西境戊午均房州總管
孫嗣擒宋統制朱興祖等丙寅賑兀魯吾民戶鈔丁卯
定省院臺文移體式二月辛未朔以前中書右丞相伯
顏爲樞密副使甲戌築昭應宮于高粱河丙子帝御行

宮觀劉秉忠字羅許衡及太常卿徐世隆所起朝儀大
悅舉酒賜之丁丑以歲饑罷修築宮城役夫甲申置尚
書省署乙酉立紙甲局申嚴畜牧損壞禾稼桑果之禁
壬辰立司農司以參知政事張文謙爲卿設四道巡行
勸農司乙未宋襄陽出步騎萬餘人兵船百餘艘來趣
萬山堡萬戶張弘範千戶脫脫擊却敗之事聞各賜金
紋綾有差高麗國王王植來朝求見皇子燕王詔曰汝
一國主也見朕足矣植請以子懋見從之詔諭植曰汝
內附在後故班諸王下我太祖時亦都護先附卽令齒
諸王上阿思蘭後附故班其下卿宜知之又詔令國王

元史卷七
頭輦哥等舉軍入高麗舊京以脫脫朶兒焦天翼爲其
國達魯花赤護送植還國仍下詔林衍廢立罪不可赦
安慶公溍本非得已在所寬宥有能執送衍者雖舊在
其黨亦必重增官秩世子懋奏乞隨朝及尚主不許命
隨其父還國三月庚子朔日有食之改河南等路及陝
西五路西蜀四川東京等路行中書省爲行尚書省尚
書省臣言河西和糴應僧人豪官富民一例行之制可
甲寅車駕幸上都丙辰浚武縣御河丁巳定醫官品從
戊午益都登萊蝗旱詔減其今年包銀之半阿朮與劉
整言圍守襄陽必當以教水軍造戰艦爲先務詔許之

教水軍七萬餘人造戰艦五千艘夏四月壬午檀州隕
黑霜二夕設諸路蒙古字學教授敕諸路達魯花赤子
弟蔭敘充散府諸州達魯花赤其散府諸州子弟充諸
縣達魯花赤諸縣子弟充巡檢改御史臺典事爲都事
癸未定軍官等級萬戶總管千戶百戶總把以軍士爲
差己丑省終南縣入藍屋復真定贊皇縣太原樂平縣
高麗行省遣使來言權臣林衍死其子惟茂擅襲令公
位爲尚書宋宗禮所殺島中民皆出降己遷之舊京衍
黨裴仲孫等復集餘衆立植庶族承化侯爲王竄入珍
島五月辛丑懷州河內縣大雨雹癸卯陝西簽省也速

帶兒嚴忠範與東西川統軍司率兵及宋兵戰于嘉定
重慶釣魚山馬湖江皆敗之拔三寨擒都統牛宣俘獲
人民及馬牛戰艦無筭甲辰威州汝鳳川番族八千戶
內附其酋長來朝授宣命賜金符丁未東京路饑兼運
糧造船勞役免今年絲銀十之三以同知樞密院事合
峇爲平章政事乙卯復平灤路撫寧縣以海山昌黎人
之丙辰括天下戶尚書省臣言諸路課程歲銀五萬錠
恐疲民力宜減十分之一運司官吏俸祿宜與民官同
其院務官量給工食仍禁所司多取於民歲終較其增
損而加黜陟上都地里遙遠商旅往來不易特免收稅
以優之惟市易莊宅奴婢孳畜例收契本工墨之費管
民官遷轉以三十月爲一考數於變易人心苟且自今
請以六十月遷轉諸王遣使取索諸物及鋪馬等事自
今並以文移毋得口傳教令並從之改宣徽院爲光祿
司秩正三品以宣徽使線真爲光祿使庚申命樞密院
閱實軍數壬戌東平府進瑞麥一莖二穗三穗五穗者
各一本省中都打捕鷹坊總管府入工部大名東平等
路桑蠶皆災南京河南等路蝗滅今年銀絲十之三十六
月丙子敕西夏中興市馬五百疋庚辰敕戍軍還有乏
食及病者令所過州城村坊主者給飲食醫藥丁亥罷

各路洞冶總管府以轉運司兼領徙謙州甲匠于松山
給牛具賜皇子南木合馬六千牛三千羊一萬賜北邊
戍軍馬二萬牛一千羊五萬丙申立籍田大都東南郊
禁民擅入宋境剽掠秋七月辛丑設上林署乙卯賜諸
王拜荅寒印及海青金符二庚申初給軍官俸壬戌簽
諸道回回軍乙丑閱實諸路礮手戶都元帥也速帶兒
等畧地光州敗宋兵于金剛臺以遼東開元等路總管
府兼本路轉運司事山東諸路旱蝗免軍戶田租戍邊
者給糧命達魯花赤兀良吉帶給上都扈從畋獵糧八
月戊辰朔築環城以逼襄陽己巳賑應昌府饑諸王拜

荅寒部曲告饑命有車馬者徙居黃忽兒玉良之地計
口給糧無車馬者就食肅沙甘州戊寅隆興府總管昔
刺斡脫以盜用官錢罷庚辰以御史大夫塔察兒同知
樞密院事御史中丞帖只爲御史大夫高麗世子王懋
來賀聖誕節辛巳設應昌府官吏辛卯保定路霖雨傷
禾稼九月庚子敕僧道也里可温有家室不持戒律者
占籍爲民丁巳太陰犯井丙寅括河西戶口定田稅宋
將范文虎以兵船二千艘夾援襄陽阿木合荅劉整率
兵逆戰于灌子灘殺掠千餘人獲船三十艘文虎引退
西京饑敕諸王阿只吉所部就食大原山東饑敕益都

濟南酒稅以十之二收糧冬十月戊辰朔敕兩省以已
奏事報御史臺庚午太白犯右執法癸酉敕宗廟祭祀
祝文書以國字乙亥宋人攻莒州乙酉享于太廟丁亥
以南京河南兩路旱蝗減今年差賦十之六發清滄鹽
二十四萬斤轉南京米十萬石並給襄陽軍已丑敕來
年太廟牲牢勿用豢豕以野豕代之時果勿市取之內
園車駕至自上都降輿中府爲州賑山東淄萊路饑十
一月壬寅熒惑犯太微西垣上將壬子河西諸郡諸王
頓舍僧民協力供給丁巳敕益兵二千合前所發軍爲
六千屯田高麗以忻都及前左壁總帥史樞金爲高麗
金州等處經畧使佩虎符領屯田事仍詔諭高麗國王
立侍儀司安南國王陳光昞遣使來貢優詔荅之復賑
淄萊路饑閏月丁卯朔高麗世子王愷還賜王植至元
八年曆戊辰禁繒段織日月龍虎及以龍犀飾馬鞍者
已巳給河西行省鈔萬錠以充歲費以義州隸婆娑府
癸未詔諭西夏提刑按察司管民官禁僧徒冒據民田
壬辰申明勸課農桑賞罰之法詔設諸路脫脫禾孫十
二月丙申朔改司農司爲大司農司添設巡行勸農使
副各四員以御史中丞孛羅兼大司農卿安童言孛羅
以臺臣兼領前無此例有旨司農非細事朕深諭此其

令孛羅總之命陝西等路宣撫使趙良弼爲秘書監充
國信使使日本敕歲祀太社太稷風師雨師雷師戊戌
徙懷孟新民千八百餘戶居河西壬寅陞御史大夫秩
正二品降河南韶州爲澠池縣宋重慶制置朱禔孫遣
諜者持書榜來誘安撫張大悅等大悅不發封併諜者
送致東川統軍司丁未金齒驃國三部酋長阿匿福勒
丁阿匿爪來內附獻馴象三馬十九疋巳酉魚通路知
府高曳失獲宋諜者詔賞之辛酉以都水監隸大司農
司以諸王伯忽兒爲札魯忽赤之長建大護國仁正寺
于高良河敕更定僧服色是歲天下戶一百九十二萬
九千四百四十九賜先朝后妃及諸王金銀幣帛如歲
例斷死刑四十四人

八年春正月乙丑朔高麗國王王禎遣其秘書監朴恒
郎將崔有滄來賀兼奉歲貢丙寅太陰犯畢巳卯以同
僉河南等路行中書省事阿里海牙參知尚書省事中
書省臣言前有旨令臣與樞密院御史臺議河南行省
阿里伯等所置南陽等處屯田臣等以爲凡屯田人戶
皆內地中產之民遠徙失業宜還之本籍其南京南陽
歸德等民賦自今悉折輸米糧貯於便近地以給襄陽
軍食前所屯田阿里伯自以無效引伏宜令州郡募民

耕佃從之史天澤告老不允敕前築都城徙居民三百八十二戶計其直償之設樞密院斷事官遣兀都蠻率蒙古軍鎮西方當當丙戌高麗安撫阿海畧地玠島與逆黨遇多所亡失中書省臣言諜知玠島餘糧將竭宜乘弱攻之詔不許令巡視險要常爲之備丁亥管如仁費正寅以國機事爲書謀遣崔繼春賈靠山路坤入宋事覺窮治正寅如仁繼春皆正典刑靠山坤並流遠方壬辰敕諸路鰥寡孤獨疾病不能自存者官給廬舍薪米高麗國王王植遣使奉表爲世子懋請昏詔禁邊將受賂放軍及科歛賑北京益都饑二月乙未朔定民間婚聘禮幣貴賤有差丁酉發中都真定順天河間平灤民二萬八千餘人築宮城己亥罷諸路轉運司入總管府以尚書省奏定條畫頒天下移陝蜀行中書省于興元癸卯四川行省也速帶兒言比因饑饉盜賊滋多宜加顯戮詔令羣臣議安童以爲強竊盜賊一皆處死恐非所宜罪至死者仍舊待命以中書左丞東京等路行尚書省事趙璧爲中書右丞甲辰添設監察御史六員命忽都荅兒持詔招諭高麗林衍餘黨裴仲孫乙巳大理等處宣慰都元帥寶合丁王傅闊闊帶等協謀毒殺雲南王火你赤曹禎發其事實合丁闊闊帶及阿老瓦

丁亦速夫並伏誅賞槓火你赤及證左人金銀有差以沙州瓜州鷹坊三百人充軍戊申詔以治事日程諭中外官吏敕往畏吾兒地市米萬石庚戌申嚴東川并鹽之禁己未敕軍官佩金銀符其民官工匠所佩者並拘入勿復給敕海青符用太祖皇帝御署庚申奉御九佳舊以梳櫛奉太祖奉所落鬚髮束上詔櫛之藏于太廟夾室辛酉敕凡訟而自匿及誣告人罪者以其罪罪之分歸德爲散府割宿亳邳徐等州隸之升申州爲南陽府割唐鄧裕嵩汝等隸之賑西京饑三月乙丑增治河東山西道按察司改河東陝西道爲陝西四川道山北東西道爲山北遼東道甲戌敕元正聖節朝會凡百官表章外國進獻使臣陛見朝辭禮儀皆隸侍儀司丙子改山東河間陝西三路鹽課都轉運司爲都轉運鹽使司己卯中書省臣言高麗叛臣裴仲孫乞諸軍退屯然後內附而忻都未從其請今願得全羅道以居直隸朝廷詔以其飾詞遷延歲月不允辛巳復立夏邑縣以碭山入焉省穀熟入睢陽濱棣萬戶韓世安坐私儲糧食燒毀軍器詐乘驛馬及擅請諸王塔察兒益都四縣分地等事有司屢以爲言詔誅之仍籍其家甲申車駕幸上都乙酉許衡以老疾辭中書機務除集賢大學士國

子祭酒衡納還舊俸詔別以新俸給之命設國子學增
置司業博士助教各一員選隨朝百官近侍蒙古漢人
子孫及俊秀者充生徒丁亥熒惑犯太微西垣上將已
丑立西夏中興等路行尚書省以趨海參知行尚書省
事命尚書省閱實天下戶口頒條畫諭天下賑益都等
路饑赦有司毋留獄滯訟以致越訴違者官民皆罪之
制封皇子燕王乳母趙氏幽國夫人夫鞏德祿追封德
育公夏四月壬寅高麗鳳州經畧司忻都言叛臣裴仲
孫稽留使命負固不服乞與忽林赤王國昌分道進討
從之平濼路昌黎縣民生子中夜有光詔加鞠養或以
爲非宜帝曰何幸生一好人毋生嫉心也命高麗簽軍
征玠島癸卯給河南行中書省歲用銀五十萬兩仍救
襄樊軍士自今人月給米四斗甲辰簽壯丁備宋戊午
阿木率萬戶阿刺罕等與宋將范文虎等戰于湍灘敗
之獲統制朱勝等百餘人奪其軍器賞阿木阿刺罕等
金帛有差以至元七年諸路災蠲今歲絲料輕重有差
五月乙丑以東道兵圍守襄陽命賽典赤鄭鼎提兵水
陸並進以趨嘉定汪良臣彭天祥出重慶札刺不花出
瀘州曲立吉思出汝州以牽制之改簽省也速帶兒鄭
鼎軍前行尚書事賽典赤行省事于興元轉給軍糧丙

寅率魚國來貢已巳脩佛事于瓊華島辛未分大理國
三十七部爲三路以大理八部蠻會新附降詔撫諭壬
申造內外儀仗丁丑賑蔚州饑已卯命史天澤平章軍
國重事陞太府監爲正三品忻都史樞表言瑯島賊徒
敗散餘黨竄入耽羅辛巳賜河西行省金符銀海青符
各一令蒙古官子弟好學者兼習算術癸未升濟州爲
濟寧府以玉宸院隸宣徽院高麗國王王植遣使貢方
物六月甲午敕樞密院凡軍事徑奏不必經由尚書省
其干錢糧者議之上都中都河間濟南淄萊真定衛輝
洛磁順德大名河南南京彰德益都順天懷孟平陽歸
德諸州縣蝗癸卯宋將范文虎率薛勳劉義夏松等舟師
十萬援襄陽阿朮率諸將迎擊奪其戰船百餘艘敵敗
走平章合答又遣萬戶解汝楫等邀擊擒其總管朱日
新鄭臯大破之辛亥敕凡管民官所領錢穀公事並俟
年終考較乙卯招集河西幹端昂吉呵等處居民已未
山東統軍司塔出董文炳偵知宋人欲據五河口請築
城守之旣而坐失事機宋兵已樹柵其地事聞敕決罰
塔出文炳等有差遼州和順縣解州聞喜縣好畛生秋
七月壬戌朔尚書省請增太原鹽課歲以鈔千錠爲額
仍令本路兼領從之設回回司天臺官屬以札馬刺丁

爲提點簽女直水達達軍以鄭元領祠祭岳瀆授司禮
大夫丁卯南人李忠進言運山侍郎張大悅嘗與宋交
通以其事無實詔諭大悅宋善用間朕不輕信毋懷疑
懼以國王頭輦哥行尚書省于北京遼東等路辛未置
左右中三衛親軍都指揮使司乙亥鞏昌臨洮平涼府
會蘭等州隕霜殺禾乙酉宋將來興國攻百丈山營阿
朮擊破之追至湍灘斬首二千餘級高麗世子王愷入
質珍島脅從民戶來降八月壬辰朔日有食之癸巳赦
軍站戶地四頃以上依例輸租己亥詔招諭宋襄陽守
臣呂文煥壬子車駕至自上都遷成都統軍司於眉州

己未聖誕節初立內外仗及雲和署樂位東川統兵司
引兵攻宋銅鈹寨守寨總管李慶等降以慶知梁山軍
事九月壬戌朔赦都元帥阿朮所部兵畧地漢南癸
亥高麗世子王愷辭歸賜國王王植西錦優詔諭之甲
子賜劉整鈔五百錠鄧州田五百頃整辭改賜民田三
百戶科調如故給河南行省歲田鈔二萬八千六百錠
丙寅罷陝西五路西蜀四川行尚書省以也速答兒行
四川尚書省事于興元京兆等路直隸尚書省敗宋軍
于渦河戊辰陞成都府德陽縣爲德州降虢州爲虢畧
縣壬申選胄子脫脫木兒等十人肄業國學癸酉益都

府濟州進芝二本甲戌簽西夏回回軍太廟殿柱朽壞
監察御史劾都水劉晟監造不敬日政以憂卒張易請先
期告廟然後完葺從之丙子敕今歲享太廟毋用犧牛
太陰犯畢庚辰右衛親軍都指揮使忽都等言五河城
堡已成唯廬舍未完凡材篋皆出宋境請率精兵分道
抄掠從之王午山東路統軍司言宋兵攻膠州千戶蔣
德等逆戰敗之俘統制范廣等五十餘人獲戰船百艘
癸未詔忙安倉失陷米五千餘石特免徵仍禁諸王非
理需索詔以四川民力困弊免茶鹽等課稅以軍民田
租給沿邊軍食仍敕有司自今有言茶鹽之利者以違
制論冬十月癸巳大司農臣言高唐州達魯花赤忽都
納州尹張廷瑞同知陳思濟勸課有效河南府陝縣尹
王仔怠於勸課宜加黜陟以示勸懲從之丁酉享于太
廟己未檀順等州風潦害稼賜高麗至元九年曆十一
月辛酉朔敕品官子孫傑直敕遣阿魯忒兒等撫治大
理壬戌罷諸路交鈔都提舉司乙亥劉秉忠及王磐徒
單公履等言元正朝會聖節詔赦及百官宣勅具公服
迎拜行禮從之禁行金泰和律建國號曰大元詔曰誕
膺景命奄四海以宅尊必有美名紹百王而紀統肇從
隆古匪獨我家且唐之爲言湯也堯以之而著稱虞之

爲言樂也舜因之而作號馴至禹興而湯造互名夏大以殷中世降以還事殊非古雖乘時而有國不以利而制稱爲秦爲漢者著從初起之地名曰隋曰唐者因卽所封之爵邑是皆徇百姓見聞之狃習要一時經制之權宜槩以至公不無少貶我太祖聖武皇帝握乾符而起朔土以神武而膺帝圖四震天聲大恢土宇輿圖之廣歷古所無頃者耆宿詣庭奏章申請謂旣成於大業宜早定於鴻名在古制以當然於朕心乎何有可建國號曰大元蓋取易經乾元之義茲大冶流形于庶品孰名資始之功予一人底寧于萬邦尤切體仁之要事從因革道協天人於戲稱義而名固匪爲之溢美乎休惟永尚不負於投艱嘉與敷天共隆大號丙戌置四川省於成都上都萬安閣成十二月辛卯朔詔天下興起國字學宣徽院請以闌遺漏籍等戶淘金帝曰姑止毋重勞吾民也乙巳減百官俸括西夏田召塔出董文炳赴闕辛亥併太常寺入翰林院宮殿府入少府監甲寅詔尚書省遷入中書省是歲天下戶一百九十四萬六千二百七十賜先朝后妃及諸王金銀幣帛如歲例賜囊家等羊馬價鈔萬千一百六十七錠斷死罪一百五十九年春正月庚申朔高麗國王王楨遣其臣禮賓卿宣

文烈來賀兼奉歲貢甲子併尚書省入中書省平章尚
書省事阿合馬同平章尚書省事張易並中書平章政
事參知尚書省事張惠爲中書左丞參知尚書省事李
堯咨麥朮丁並參知中書政事罷給事中中書舍人檢
正等官仍設左右司省六部爲四改稱中書丙寅詔遣
不花及馬璘諭高麗具舟糧助征耽羅河南省請益兵
救諸路簽軍三萬丁丑救皇子西平王與魯赤阿魯帖
木兒秃哥及南平王秃魯所部與四川行省也速帶兒
部下并怍古帶等十八族欲速公弄等土番軍同征建
都新安州初隸雄州詔爲縣入順天庚辰改北京中興
四川河南四路行尚書省爲行中書省京兆復立行省
仍命諸王只必帖木兒設省斷事官給西平王與魯赤
馬價弓矢賜南平王秃魯銀印及金銀符各五辛巳移
鳳州屯田於鹽白二州救董文炳時巡掠南境毋令宋
人得立城堡救軍民訟田者民田有餘則分之軍軍田
有餘亦分之民仍遣能臣聽其直其軍奴入民籍者還
正之救燕王遣使持香齋祀岳瀆后土五臺興國寺命
劉整總漢軍壬午改山東東路都元帥府統軍司爲行
樞密院以也速帶兒塔出並爲行樞密院副使乙酉定
受宣救官禮儀詔元帥府統軍司總管萬戶府閱實軍

籍二月庚寅朔奉使日本趙良弼遣書狀官張鐸同日
本二十六人至京師求見辛卯詔札魯忽赤乃太祖開
創之始所置位百司右其賜銀印立左右司壬辰高麗
國王王植遣其臣齊安侯王淑來賀改國號改中都爲
大都甲午命阿朮與蒙古軍劉整阿里海牙與漢軍戊
戌以去歲東平及西京等州縣旱蝗水潦免其租賦庚
子復唐州祕陽縣建中書省署於大都戊申始祭先農
如祭社之儀詔諸路開浚水利車駕幸上都三月乙丑
諭旨中書省日本使人速議遣還安童言良弼請移金
州戍兵勿使日本妄生疑懼臣等以爲金州戍兵彼國
所知若復移戍恐非所宜但開諭來使此戍乃爲耽羅
暫設爾等不須疑畏也帝稱善甲戌括民間四教經焚
之蒙古都元帥阿朮漢軍都元帥劉整阿里海牙督本
軍破樊城外郭斬首二千級生擒將領十六人增築重
圍守之賑濟南路饑詔免醫戶差徭夏四月己丑詔於
土藩西川界立寧河驛辛卯賜皇子愛牙赤所部馬丙
午給西平王奧魯赤所部米甲寅賑大都路饑五月戊
午朔立和林轉運司以小云失別爲使兼提舉交鈔使
己未給闊闊出海青銀符二辛酉罷簽回回軍癸亥救
拔都軍於怯鹿難之地開渠耕田丙寅簽徐邳二州丁

元史卷一
壯萬人戍邳州庚午減鐵冶戶罷西蕃禿魯干等處金銀礦戶爲民禁漢人聚衆與蒙古人鬪毆詔議取耽德及濟州辛巳敕修築都城凡費悉從官給毋取諸民并蠲伐木役夫稅賦甲申敕諸路軍戶驅丁除至元十七年前從良人民籍者當差餘雖從良並令助本戶軍力乙酉太白犯畢距星宮城初建東西華左右掖門詔安集荅里伯所部流民六月壬辰遣高麗國西京屬城諸達魯花赤及質子金鎰等歸國減乞里吉思屯田所入租仍遣南人百名給牛具以往是夜京師大雨壞墻屋壓死者衆癸巳敕以籍田所儲糧賑民不足又發近地官

倉濟之甲午高麗台饑轉東京米二萬石賑之己亥山東路行樞密院塔出於四月十三日遣步騎趨漣州攻破射龍溝五港口鹽場白頭河四處城堡殺宋兵三百餘人虜獲人牛萬計第功賞賚有差辛亥高麗國王王植請討耽羅餘寇秋七月丁巳朔河南省臣言往歲徙民實邊屯耕以貧苦悉散還家今唐鄧蔡息徐邳之民愛其田廬仍守故屯願以絲銀準折輸糧而內地州縣轉粟餉軍者反厭苦之臣議今歲沿邊州郡宜仍其舊輸糧內地州郡驗其戶數俾折鈔就沿邊和糴庶幾彼此交便制曰可拘括開元東京等路諸漏籍戶禁私鬻

回回曆賑水達達部饑戍寅賜諸王八八部銀鈔集都城僧誦大藏經九會壬午和禮霍孫奏蒙古字設國子學而漢官子弟未有學者及官府文移猶有畏吾字詔自今凡詔令並以蒙古字行仍遣百官子弟入學乙酉免徙大羅鎮居民令倍輸租米給鷹坊詔分閱大都京兆等處探馬赤奴戶名籍八月丙戌朔日有食之戊子立羣牧所掌牧馬及尚方鞍勒壬辰敕忙安倉及靖州預儲糧五萬石以備弘吉剌新徙部民及西人內附者廩給調兵增戍全羅州乙未禁諸人以已事輒呼至尊稱號者丁酉立幹脫所已亥諸王闕闕出請以分地寧

海登萊三州自爲一路與他王比歲賦惟入寧海無輸益都詔從之癸卯千戶崔兵敗宋襄陽援兵斬其將張順賜松等將士有差乙巳車駕至自上都丁未改延州爲延津縣與陽武同隸南京癸丑賑遼東等路饑九月甲子宋襄陽將張貴以輪船出城順流突戰阿木阿刺海牙等舉烽燃火燭江如晝率舟師轉戰五十餘里至櫃門關生獲貴及將士二千餘人丙寅敕樞密院諸路正軍貼戶及同籍親戚奴僕丁年旣長依諸王權要以避役者並還之軍惟匠藝精巧者以名聞癸酉同簽河南省事崔斌訟右丞阿里妄奏軍數二萬救杖而罷之

甲戌罷水軍總管府東川元帥李吉等畧地開州拔石
羊寨擒宋將一人統軍使合刺等兵掠合州及渠江口
獲戰船五十艘賞銀幣有差丙子發民夫三千人伐巨
木遼東免其家徭賦戊寅太陰犯御女賑益都路饑冬
十月丙戌朔封皇子怍哥刺爲安西王賜京兆爲分地
駐兵六盤山遣使持詔諭扮卜忻都國壬辰享于太廟
癸巳趙璧爲平章政事張易爲樞密副使乙未築渾河
堤戊戌熒惑犯填星己亥敕自七月至十一月終聽捕
獵餘月禁之癸卯立文州初立會同館十一月乙卯朔
詔以至元十年曆賜高麗壬戌發北京民夫六千伐木
乾山蠲其家徭賦諸王只必帖木兒築新城成賜名永
昌府丙寅蠲昔刺幹脫所負官錢丁卯太陰犯畢城光
州遣無籍軍掠宋境己巳敕發屯田軍二千漢軍二千
高麗軍六千仍益武衛軍二千征耽羅辛未召高陸儒
者楊恭懿不至癸酉以前拔樊城外郭功賞千戶劉深
等金銀符己卯併中書省左右司爲一宋荆湖制置李
庭芝爲書遣永寧僧齋金印牙符來授劉整廬龍軍節
度使封燕郡王僧至永寧事覺上聞敕張易姚樞雜問
適整至自軍中言宋患臣用兵襄陽欲以是殺臣臣實
不知敕令整爲書復之賞整使還軍中誅永寧僧及其

黨友叅知行省政事阿里海牙言襄陽受圍久未下宜
先攻樊城斷其聲援從之回回亦思馬因創作巨石砲
來獻用力省而所擊甚遠命送襄陽軍前用之十二月
乙酉朔詔諸路府州司縣達魯花赤管民長官兼管諸
軍與魯丁亥立肅州等處驛以東平府民五萬餘戶復
爲東平路辛丑諸王忽刺出拘括逃民高麗界中高麗
達魯花赤上其事詔高麗之民猶未安集禁罷之遣宋
議互市使者南歸戊午賜北平王南木合軍馬一萬二
千九百九十一羊六萬一千五百三十一及諸王塔察
兒軍幣帛辛亥宋將咎萬壽來攻成都簽省嚴忠範出
戰失利退保子城同知王世英等八人棄城遁詔以邊
城失守罪在主將世英雖遁與免其罪惟遣使縛忠範
至京師癸丑陞拱衛司爲拱衛直都指揮使司是歲天
下戶一百九十五萬五千八百八十賜先朝后妃及諸
王金銀幣帛如歲例斷死罪三十九人建大聖壽萬安
寺

宋史卷八

本紀第八

宋 濂

翰林學士中大夫知制誥兼脩國史 臣 宋 濂

翰林待制兼直郎知制誥兼國史院編脩 臣 王 禕等奉 勅脩

世祖五

十年春正月乙卯朔高麗國王王植遣其世子愷來朝
戊午敕自今並以國字書宣命命忻都鄭溫洪茶丘征
耽羅宿州萬戶愛先不花請築堡牛頭山以阨兩淮糧
運不允愛先不花因言前宋人城五河統軍司臣皆當

得罪今不築恐爲宋人所先帝曰汝言雖是若坐視宋人戍之罪亦不免也安南使者還言陳光暉受詔不拜中書移文責問光暉稱從本俗改回回愛薛所立京師醫藥院名廣惠司己未禁鷹坊擾民及陰陽圖讖等書癸亥阿里海牙等大攻樊城拔之守將呂文煥懼而請降中書省驛聞遣前所得唐永堅持詔諭之丁卯立祕書監戊辰給皇子北平玉甲一千置軍器永盈二庫分典弓矢甲冑庚午簽陝西探馬赤軍己卯川蜀省言宋咎萬壽攻成都也速帶兒所部騎兵征建都未還擬於京兆等路簽新軍六千爲援從之詔遣扎木呵押失寒崔杓持金十萬兩命諸王以不合市藥獅子國王壬午賞東川統軍合刺所部有功者合刺請於渠江之北雲門山及嘉陵西岸虎頭山立二戍以其圖來上仍乞益兵二萬詔給京兆新簽軍五千益之二月丙戌以皇后皇太子受冊寶遣太常卿合卺告于太廟丙申雲南羅羽會長阿旭叛詔有司安集其民募能捕斬阿旭者賞之遣斷事官麥肖勾校川陝行省錢穀詔勘馬刺失里乞帶脫因劉源使緬國諭遣子弟近臣來朝高麗國王王植以王師征耽羅乞下令禁俘掠聽自製兵仗從之丁未宋京西安撫使知襄陽府呂文煥以城降三月甲寅

朔詔申諭大司農司遣使巡行勸課務要農事有成乙丑敕樞密院以襄陽呂文煥率將吏赴闕熟券軍并城居之民仍居襄陽給其田牛生券軍分隸各萬戶翼文煥等發襄陽擇蒙古漢人有才力者護視以來丙寅帝御廣寒殿遣攝太尉中書右丞相安童授皇后弘吉刺氏玉冊玉寶遣攝太尉同知樞密院事伯顏授皇太子真金玉冊金寶辛未以皇后皇太子受冊寶詔告天下劉整請教練水軍五六萬及於興元金洋州汴梁等處造船二千艘從之壬申分金齒國爲兩路癸酉客星青白如粉絮起畢度五車北復自文昌貫斗杓歷梗河至左攝提凡二十一日以前中書左丞相耶律鑄平章雷國重事中書左丞張惠爲中書右丞車駕幸上都西蜀嚴忠範以罪罷遣察不花等撫治軍民罷中興等處行中書省夏四月癸未朔阿里海牙以呂文煥入朝授文煥昭勇大將軍侍衛親軍都指揮使襄漢大都督賜其將校有差時將相大臣皆以聲罪南伐爲請驛召姚樞許衡徒單公履等問計公履對曰乘破竹之勢席卷三吳此其時矣帝然之詔罷河南等路行中書省以平章軍國重事史天澤平章政事阿朮叅知政事阿里海牙行荆湖等路樞密院事鎮襄陽左丞相合丹叅知行中

書省事劉整山東都元帥塔出董支炳行淮西等路樞密院事守正陽天澤等陛辭詔諭以襄陽之南多有堡寨可乘機進取仍以鈔五千錠賜將士及賑新附軍民甲申免隆興路權課三年丁酉敕南儒爲人掠賣者官贖爲民辛丑罷四川行省以鞏昌二十四處便宜總帥汪良臣行西川樞密院東川閬蓬廣安順慶夔府利州等路統軍使合刺行東川樞密院東川副統軍王仲仁同簽行樞密院事仍命汪良臣就率所部軍以往五月壬子朔定內外官復舊制三歲一遷甲寅禁無籍軍從大軍殺掠其願爲軍者聽戊辰詔天下獄囚除殺人者待報其餘一槩踈放限以八月內自至大都如期而至者皆赦之乙亥詔免民代輸簽軍戶絲銀及伐木夫戶賦稅負前朝官錢不能償者毋徵主守失陷官錢者杖而釋之陣亡軍及營繕工匠無丁產者量加廩給以雄易州復隸大都庚辰賞襄陽有功萬戶奧魯赤等銀鈔衣服有差六月乙酉賑諸王塔察兒部民饑丁亥以各路弓矢甲匠並隸軍器監免大都南京兩路賦役以紓民力賑甘州等處諸驛辛卯汰陝西貧難軍以劉整阿里海牙不相能分軍爲二各統之癸巳敕襄陽造戰船千艘甲午改資用庫爲利用監丁酉置光州等處招討

司戊申經畧忻都等兵至耽羅撫定其地詔以失里伯
爲耽羅國招討使尹邦寶副之陞拱衛直爲都指揮司
使日本趙良弼至太宰府而還具以日本君臣爵號州
郡名數風俗土宜來上閏月癸丑敕諸道造甲一萬弓
五千給淮西行樞密院己巳罷東西兩川統軍司辛未
以翰林院纂修國史敕采錄累朝事實以備編集丙子
以平章政事賽典赤行省雲南統合刺章鴨赤赤科金
齒茶罕章諸蠻賜銀貳萬五千兩鈔五百錠秋七月辛
巳以金州軍八百人及統軍司還成都忽朗吉軍千人
隸東川壬午以修太廟將遷神主別殿遣兀魯忽奴帶
張文謙祭告丙戌敕樞密院表陽生券軍無妻子者發
至京師仍益兵衛送其老疾者遣還家庚寅河南水發
粟賑民饑仍免今年田租省西涼府入永昌路戊申高
麗國王王植遣其順安公王恂同知樞密院事宋宗禮
賀皇后皇太子受冊禮成八月庚戌朔前所釋諸路罪
囚自至大都者凡二十二人並赦之甲寅鳳翔寶鷄縣
劉鐵妻一產三男復其家三年丁丑聖誕節高麗王王
植遣其上將軍金詵來賀己卯賜襄陽生熟券軍冬衣
有差九月辛巳遼東饑弛獵禁以合伯爲平章政事壬
午立河南宣慰司供給荆湖淮西軍需甲申襄陽生券

軍至大都詔伯顏諭之釋其械繫免死罪聽自立部伍
俾征日本仍敕樞密院具鎧仗人各賜鈔娶妻於蒙古
漢人內選可爲率領者丙戌劉秉忠姚樞王磐竇默徒
單公履等上言許衡疾歸若以太子贊善王恂主國學
庶幾衡之規模不致廢墜又請增置生員並從之秉忠
等又奏置東宮宮師府詹事以次官屬三十八人戊子
遣官詣荆湖行省差次有功將士禁京畿五百里內射
獵已丑敕自今秋獵鹿豕先薦太廟壬辰中書省臣奏
高麗王王植屢言小國地狹比歲荒歉其生券軍乞駐
東京詔令營北京界仍敕東京路運米二萬石以賑高
麗丁酉立正陽諸驛敕河南宣慰司運米三十萬石給
淮西合荅軍仍給淮西京湖軍需有差壬寅敕會同館
專居降附之入覲者以翰林學士承旨和禮霍孫兼會
同館事以主朝廷咨訪及降臣奏請征東招討使塔匣
刺請征骨嵬部不允丙午置御藥院車駕至自上都給
諸王塔察兒所部布萬疋冬十月乙卯享于太廟丙辰
以西川編民東川義士軍屯田餉潼川青居戍兵敕伯
顏和禮霍孫以史天澤姚樞所定新格參考行之庚申
御史臺臣言沒人贓罰爲鈔一千三百錠詔有貧乏不
能存者以此賑之有司斷死罪五十人詔加審覆其十

三人因鬪毆殺人免死充軍餘令再三審覆以聞禁牧地縱火以合荅帶爲御史大夫陞襄陽府爲路罷廣寧府新簽軍初建正殿寢殿香閣周廡兩翼室西蜀都元帥也速荅兒與皇子奧魯赤合兵攻建都蠻擒會長下濟等四人獲其民六百建都乃降詔賞將士有差十一月癸未命布只兒修起居注丁未大司農司言中書移文以畿內秋禾始收請禁農民覆耕恐妨芻牧帝以農事有益詔勿禁十二月己酉朔安童等言昔博赤伯都謂總管府權太重宜立運司并諸軍奧魯以分之臣以今之民官循例遷徙保無邪謀別立官府於民未便帝然之予子賜襄樊被傷軍士鈔千錠甲寅宋夏貴改正陽淮西行院擊走之壬戌召阿木同呂文煥入覲大司農司請罷西夏世官括諸色戶從之安南國王陳光暉遣使來貢方物諸王薛闍禿以罪從軍累戰皆捷召赴闕已巳省陝州虢略朱陽二縣入靈寶賜萬戶解汝楫銀萬五千兩諸王孛兒出率所部兵與皇子北平王合軍討叛臣聶古伯平之賞立功將士有差賜諸王金銀幣帛如歲例是歲諸路蟲螭災五分霖雨害稼九分賑米凡五十四萬五千五百九十石天下戶一百九十六萬二千七百九十五

十一年春正月己卯朔宮闕告成帝始御正殿受皇太子諸王百官朝賀高麗國王王植遣其少卿李義孫等來賀兼奉歲貢乙酉以金州招討使欽察率襄陽生熟券軍千人戍鴨池庚寅初立軍官以功陞散官格免諸路軍雜賦以忙古帶等新舊軍一萬一千五百人戍建都立建都寧遠都護府兼領互市監壬辰置西蜀四川屯田經略司丁酉長春宮設周天金籙醮七晝夜敕荆湖行院以軍三萬水弩砲手五千隸淮西行院丙午彰德趙當道等以謀逆伏誅餘從者論罪有差立于闐鴉兒看兩城水驛十三沙州北陸驛二免于闐采玉工差役阿里海牙言荆襄自古用武之地漢水上流已爲我有順流長驅宋必可平阿朮又言臣略地江淮備見宋兵弱於往昔今不取之時不能再帝趣召史天澤同議天澤對曰此國大事可命重臣一人如安童伯顏都督諸軍則四海混同可計日而待矣臣老矣如副將者猶足爲之帝曰伯顏可以在吾此事矣阿朮阿里海牙因言我師南征必分爲二舊軍不足非益兵十萬不可詔中書省簽軍十萬人二月戊申朔賜阿朮所部將士及茶罕章阿吉老者等銀鈔有差甲寅太陰犯井宿庚申新德副元帥楊堯元戰沒以其子襲職初立儀鸞局掌

宮門管鑰供帳燈燭壬申造戰船八百艘於汴梁以廉
希憲爲中書右丞北京等處行中書省事車駕幸上都
三月己卯詔以勸課農桑諭高麗國王王植仍命安撫
高麗軍民總管洪茶丘提點農事己丑呂文煥隨司千
戶陳炎謀叛誅首惡二人其隨司軍併其妻子皆令內
徙庚寅敕鳳州經略使忻都高麗軍民總管洪茶丘等
將屯田軍及女直軍并水軍合萬伍千人戰船大小合
九百艘征日本移碭門兵戍合荅城辛卯改荆湖淮西
二行樞密院爲二行中書省伯顏史天澤並爲左丞相
阿朮爲平章政事阿里海牙爲右丞呂文煥爲叅知政

事行中書省於荆湖合荅爲左丞相劉整爲左丞塔出
董文炳爲叅知政事行中書省於淮西遣使代祀嶽瀆
后土河南宣慰司言軍興轉輸煩重宜賦軍匠諸戶權
助財用從之癸巳獲嘉縣尹常德課最諸縣詔優賞之
亦乞里帶強取民租產桑園廬舍墳墓分爲探馬赤軍
牧地詔還其民萬戶阿里必嘗發李壇逆謀爲壇所殺
以其子刺刺吉襲職改金州招討司爲萬戶府遣要速
木咱興慙失招諭八魯國帝師八合思八歸土番國以
其弟亦鄰真襲位建大護國仁王寺成夏四月辛亥分
陝西隴右諸州置提刑按察司治鞏昌癸丑初建東宮

甲寅誅西京訛言惑衆者括諸路馬五萬匹辛未詔安
慰幹端鴉兒看合失合兒等城賜襄樊戰死之士二百
四十九人之家每家銀百兩乙亥命也速帶兒將千人
同撒吉思所部五州丁壯戍益都五月丙戌汪惟正以
所部軍逃亡乞於民站戶選補從之敕北京東京等路
新簽軍恐不宜暑權駐上都乙未樞密院臣言舊制蒙
古軍每十人月食糧者惟拔都二人今遣怯薛丹合丹
覈其數多籍二千六百七十人敕杖合丹斥無入宿衛
謫往西川效死軍中餘定罪有差丙申以皇女忽都魯
揭里迷失下嫁高麗世子王懋辛丑敕隨路所簽新軍
其戶絲銀均配於民者並除之六月丙午朔劉整乞益
甲仗及水弩手給之庚戌賜建都合馬里戰士銀鈔有
差癸丑敕合答選部下蒙古軍五千人與漢軍分戍沿
江堡隘爲使傳往來之衛仍以古不來拔都翟文彬率
兵萬人掠荆南鴉山以綴宋之西兵丙辰免上都隆興
兩路簽軍庚申問罪於宋詔諭行中書省及蒙古漢軍
萬戶千戶軍士曰爰自太祖皇帝以來與宋使介交通
憲宗之世朕以藩職奉命南伐彼賈似道復遣宋京詣
我請罷兵息民朕卽位之後追憶是言命郝經等奉書
往聘蓋爲生靈計也而乃執之以致師出連年死傷相

元史卷八
十一
藉係累相屬皆彼宋自禍其民也襄陽既降之後冀宋
悔禍或起令圖而乃執迷罔有悛心所以問罪之師有
不能已者今遣汝等水陸並進布告遐邇使咸知之無
辜之民初無預焉將士毋得妄加殺掠有去逆效順別
立奇功者驗等第遷賞其或固拒不從及逆敵者俘戮
何疑甲子分遣忙古帶八都百家奴率武衛軍南征丙
寅以合剌合孫爲中書左丞崔斌參知政事仍行河南
道宣慰司事敕有司閱覈延安新軍貧無力者免之戊
辰監察御史言江淮未附將帥闕人今首用阿里海牙
子忽失海牙劉整子玳素不知兵且缺人望宜依弟男
例罷去從之秋七月乙亥朔敕山北遼東道提刑按察
使兀魯失不花同參知政事廉希 思行省北京國王頭
輦哥毋署事有大事則希憲等就_詳乙酉徙生券軍八
十一人屯田和林癸巳高麗國王丁 植薨遣使以遺表
來上且言世子懋孝謹可付後事_同知上都留守司
事張煥_同懋爲高麗國王乙未伯_不等陞辭帝諭之曰
古之善取江南者唯曹彬一人汝能_不殺是吾曹彬也
興元鳳州民獻麥一莖肆穗至七穗穀一莖三穗八月
甲辰朔頒諸路立社稷壇壝儀式丁未史天澤言今大
師方興荆湖淮西各置行省勢位既不相下號令必不

能一後當敗事帝是其言復改淮西行中書省爲行樞
密院癸丑行中書省言江漢未下之州請令呂文煥率
其麾下臨城諭之令彼知我寬仁善遇降將亦策之善
者也從之甲寅弛河南軍器之禁辛未高麗王悛遣其
樞密使朴瑆來賀聖誕節詔太原新簽軍遠戍兩川誠
可憫恤諭樞密院遣使分括廩粟給其家九月丙戌行
中書省以大軍發襄陽檄諭宋州郡官吏將校士民癸
巳師次鹽山距郢州二十里宋兵十餘萬當郢夾漢水
城萬勝堡兩岸戰艦千艘鐵鉅橫江貫大艦數十過我
舟師不得下惟黃家灣有溪經鷓鴣山入唐港可達于
江宋又爲填築堡其處駐兵守之數小舟數百與填相依
伯顏督諸軍攻拔之鑿填挽舟入溪次出唐港整列而進
車駕至上都冬十月己酉享于八廟庚申長河西千
戶必刺沖剽掠甲仗集衆爲亂火你赤移戍未還副元
帥覃澄率屬吏赴之帝曰澄不必徇往趣益兵三千付
火你赤合力討之壬戌歲星犯壘壁陣乙丑伯顏督諸
將破沙洋堡生擒守將串樓王翌日次新城總制黃順
縋城降伯顏遣順招都統邊居義不出總管李庭破其
外堡諸軍蟻附而登拔之居義自焚死辛未賜北平王
南木合馬三萬羊十萬十一月庚辰斷死罪三十九人

壬午勅西川行樞密院也速帶兒取嘉定府癸未符寶
郎董文忠言比聞益都彰德妖人繼發其按察司達魯
花赤及社長不能禁止宜令連坐詔行之乙酉軍次復
州宋安撫使翟貴出降丁亥詔宋嘉定安撫魯萬壽及
凡守城將校納款來降與避罪及首主叛亡者悉從原
免癸巳東川元帥楊文安與青居山蒙古萬戶怯烈乃
也只里等會兵達州直趣雲安軍至馬湖江與宋兵遇
大破之遂拔雲安羅拱高陽城堡賜文安等金銀有差
以香河荒地千頃置中衛屯伯顏遣萬戶帖木兒譯史
阿里奏沙洋新城之捷且以新城總制黃順來見賜順
黃金錦衣及細甲授湖北道宣慰使佩虎符敕京師盜
詐者衆宜峻立治法召征日本忽敦忽察劉復亨三沒
合等赴闕壬寅安童以阿合馬擅財賦權蠹國害民凡
官屬所用非人請別加選擇其營作宮殿賣緣爲姦亦
宜詰問帝命窮治之起閣南直大殿及東西殿增選樂
工八百人隸教坊司十二月丙午伯顏大軍次漢口宋
淮西制置使夏貴都統高文明劉儀以戰船萬艘分據
諸隘都統王達守陽羅堡荆湖宣撫朱禔孫以游擊軍
阨中流師不得進用千戶馬福言自漢口開埧引船會
淪河口徑趨沙蕪遂入大江癸丑以諸路逃奴之無主

者二千人隸行工部甲寅賞忻都等征耽羅功銀鈔幣帛有差乙卯阿里海牙督萬戶張弘範等攻武磯堡宋夏貴以兵來援阿朮率萬戶晏徹兒等四翼軍對青山磯泊丙辰萬戶史格以一軍先渡爲宋荆鄂諸軍都統程鵬飛所敗總管史塔刺渾等率衆赴敵鵬飛敗走進軍沙州抵觀音山夏貴東走遂破武磯堡斬宋都統王達始達南岸追至鄂州南門而還丁巳伯顏登武磯山宋朱禩孫遁歸江陵己未師次鄂州宋直祕閣湖北提舉張晏然權知漢陽軍王儀知德安府來與國並以城降程鵬飛以本軍降伯顏承制以宋鄂州民兵總制王該知鄂州事王儀來與國仍舊任撤其戍兵分隸諸軍下令禁侵暴凡逃民悉縱還之以阿里海牙兵四萬鎮鄂漢伯顏阿朮將大軍水陸東下以待衛親軍都指揮使禿滿帶爲諸軍殿以襄陽路總管賈居貞爲宣撫使商議行中書省事庚申淮西正陽火廬舍甲仗焚蕩無餘杖萬戶愛先不花等有差癸亥賜太一真人李居素第一區仍賜額曰太一廣福萬壽宮行中書省以渡江捷聞敕縱呂文煥隨司軍悉還家割南陽廬氏縣隸嵩州置歸德永城縣長武縣省入涇川良原縣省入靈臺是歲天下戶一百九十六萬七千八百九十八諸路好

蚋等蟲災凡九所民饑發米七萬五千四百一十五石粟四萬五百九十九石以賑之

十二年春正月癸酉朔高麗國王王愷遣其判閣事李信孫來賀及奉歲幣甲戌大軍次黃州宋沿江制置副使知黃州陳奕以城降伯顏承制授奕沿江大都督其子巖知漣州奕遣人以書諭之書至巖卽出降乙亥徙襄陽新民七百戶於河北東川副都元帥張德潤拔禮義城殺宋安撫使張資招降軍民千五百餘人繼遣元帥張桂孫畧地俘總管郭武及都轄唐惠等六人以歸賜德潤金五十兩及西錦金鞍細甲弓矢部下將士鈔

三百錠戊寅劉整卒安西王相府乞給鈔萬錠爲軍需勅以千錠給之癸未師次蘄州宋安撫使管景模以城降乙酉敕樞密院以納忽帶兒也速帶兒以統戍軍及再簽登萊下壯八百人付五州經略司其郟城十字路亦聽經略司節度丙戌大軍次江州宋江西安撫使知江州錢真孫及淮西路六安軍曹明以城降丁亥樞密院臣言宋邊郡如嘉定重慶江陵郢州漣海等處皆阻兵自守宜降璽書招諭從之宋知南康軍葉闡以城降敕以侍衛親軍指揮使札的失囊加帶將蒙古軍二千百家奴唐古忒兀兒將漢軍萬人赴蔡州禿滿帶賈忒

古帶復將餘兵赴闕己丑遣伯木唐永堅齋詔招諭鄂州仍敕襄陽統軍司調兵三千人衛送永堅等選蒙古畏吾漢人十四人赴行中書省爲新附州郡民官庚寅遣左衛指揮副使鄭溫唐古帖木兒率衛軍萬人同札的失囊加帶戍黃州詔諭重慶府制置司并所屬州郡城寨官吏軍民舉城歸附壬辰以宣撫使賈居貞簽書行中書省事戊鄂州安南國使者還敕以舊制籍戶設達魯花赤簽軍立站輪租及歲貢等事諭之乙未遣兵部尚書廉希賢工部侍郎嚴忠範祕書監丞柴紫芝奉國書使于宋丁酉以萬家奴所募願爲軍者萬人南征已亥雲南總管信苴日石買等刺殺合刺章舍里威之爲亂者以金賞之命土魯至雲南趣阿魯帖木兒入覲以蠻夷未附者尚多命宣慰司兼行元帥府事並聽行省節度置郡縣尹長選廉能者任之置雲南諸路規措所以贍思丁爲使益衛送唐永堅兵永堅求拜都忙古帶偕行許之敕追諸王海都八刺金銀符三十四二月癸卯大軍次安慶府宋殿前都指揮使知安慶府范文虎以城降伯顏承制授文虎兩浙大都督甲辰以中書右丞博魯歡爲淮南都元帥中書右丞阿里左右副都元帥仍命阿里撒吉思等各部蒙古漢軍會邳州又發

元史卷八
一
斬宿戍兵將河南戰船千艘赴之遣必闡赤孛羅檢覈
西夏權謀命開元宣撫司賧吉里迷新附饑民救畏吾
地春夏毋獵孕字野獸立后土祠于平陽之臨汾伏羲
女媧舜湯河瀆等廟于河中解州洪洞趙城丙午大軍
次池州宋權州事趙昴發自經死都統制張林以城降
省西夏中興都轉運司入總管府議以中統鈔易宋交
會并發蔡州鹽貿易藥材丁未禁無籍自效軍俘掠新
附復業軍民戊申詔諭江黃鄂岳漢陽安慶等處歸附
官吏士民軍匠僧道人等令農者就耒商者就塗士庶
緇黃各安已業如或鎮守官吏妄有搔擾詣行中書省

元史天澤卒召游顯楊庭訓赴闕賜陳言人霍昇張
和鈔十錠俾從淮東元帥府南征庚戌遣禮部侍郎杜
世忠兵部郎中何文著齋書使日本國辛亥遣同知濟
南府事張漢英持詔諭淮東制置使李庭芝壬子洛磁
路總管姜毅捕獲農民郝進等四人造妖言惑衆敕誅
進餘減死流遠方宋都督賈似道遣計議宋京承宣使
阮思聰詣行中書省請還已降州郡約貢歲幣伯顏使
囊加帶同阮思聰還報命留宋京以待使謂似道曰未
渡江時議貢議和則可今沿江諸郡皆已內屬欲和則
當來面議也囊加帶還乃釋宋京以同簽樞密院事倪


德政赴鄂州省治財賦癸丑御史臺臣劾前南京路總管田大成以其弟婦趙氏爲妻廢絕人倫杖八十三年不齒時大成已死惟市杖趙氏八十丙辰賞征東元帥府日本戰功錦絹弓矢鞍勒庚申遣塔不帶幹魯召鄂漢降臣張晏然等赴闕仍諭之曰朕省卿所奏云宋之權臣不踐舊約拘留使者實非宋主之罪儻蒙聖慈止罪擅命之臣不令趙氏之祀者卿言良是卿旣不忘舊主必能輔弼我家比卿奏上已遣伯顏接兵不進仍遣兵部尚書廉希賢等持書往使果能悔過來附旣往之愆朕復何究至於權臣賈似道尚無罪之之心況肯令趙氏之祀乎若其執迷罔悛未然之事朕將何言天其鑒之辛酉以闊闕出率其部下軍千人及親附軍五百聽阿剌海牙節制凡湖南州縣及瀕水之民有來附者俾闊闕出統之拒敵不降者就爲招集詔令大洪山避兵民還歸漢陽復業農畝命阿剌海牙鎮守之復命阿失罕唐永堅綦公直等與脫烈將甲騎千人持詔招諭鄂州大軍次丁家洲戰船蔽江而下宋賈似道分遣步帥孫虎臣及督府節制軍馬蘇劉義集兵船于江之南北岸似道與淮西制置使夏貴將後軍戰船二千五百餘艘橫亘江中翌日伯顏命左右翼萬戶率騎兵夾

岸而進繼命舉巨砲擊之宋兵陣動夏貴先遁似道錯愕失措鳴鉦斥諸軍散宋兵遂大潰阿朮與鎮撫何瑋李庭等舟師及步騎追殺百五十里得船二千餘艘及軍資器仗督府圖籍符印似道東走揚州阿先不花言夏貴縱北軍岳全還稱欲內附宜降璽書招諭遂遣其甥胡應雷持詔往諭之甲子大軍次蕪湖縣宋江東運判知太平州孟之縉以城降都元帥博魯歡次海州知州丁順以城降乙丑阿里海牙言江陵宋巨鎮地居大江上流屯精兵不啻數十萬若非乘此破竹之勢取之江水泛溢鄂漢之城亦恐難守從其請仍降璽書遣使

言江陵制置司及高達已下官吏軍民宋福州團練使知特摩道事農士貴率知那寡州農天或知阿吉州農昌成知上林州農道賢州縣三十有七戶十萬詣雲南行中書省請降丙寅樞密院言渡江初亳州萬戶史格毗陽萬戶石抹紹祖以輕進致敗乞罪之有旨或決罰降官或以戰功自贖其從行省裁處禁民間賭博犯者流之北地戊辰師次采石鎮知和州王善以城降都元帥博魯歡次漣州宋知州孫嗣武以城降己巳復遣伯木唐永堅等宣諭鄂州官吏士庶庚午大軍次建康府宋沿江制置使趙潛南走都統權兵馬司事徐王榮

翁福茅世雄等及鎮軍曹旺以城降宋賈似道至揚州始遣總管段佑送國信使郝經劉人傑等來歸敕樞密院迎經等由水路赴闕詔安南國王陳光昞仍以舊制六事諭之趣其來朝命怯薛丹察罕不花侍儀副使關思義真人李德和代祀嶽瀆后土車駕幸上都三月壬申朔宋鎮江府馬軍總管石祖忠以城降行中書省分遣淮西行樞密院阿塔海駐京口宋誅殿帥韓震其部將李大明等二百人攜震母妻并諸子文焞文炆自臨安來奔田成宋江陰軍僉判李世脩以城降乙亥諭樞密院比遣建都都元帥火你赤征長河西以副都元帥

平定守建都付以璽書安集其民仍敕安西王忙兀刺諸王只必帖木兒駙馬長吉分遣所部蒙古軍從西平王奧魯赤征吐蕃命萬執中唐永堅同前所遣阿失罕等將銳兵千人同往招諭鄂州已降則鎮之不降則從陸路與阿里海牙忽不來會於荆南丙子國信使廉希賢等至建康傳旨令諸將各守營壘毋得妄有侵掠宋知滁州王文虎以城降戊寅賜皇子安西王幣帛八千匹絲萬斤乙卯改平陰縣新鎮寨為肥城縣隸濟寧府庚辰宋知寧國府顏紹卿以城降江東路得府二州五軍二縣四十三戶八十三萬一千八百五十二口一



百九十一萬九千一百六甲申於中興路置懷遠靈武
二縣分處新民四千八百餘戶丙戌宋常州安撫戴之
奉通判王虎臣以城降國信使廉希賢嚴忠範等至宋
廣德軍獨松關爲宋人所殺丁亥免諸路軍雜賦辛卯
宋將高世傑復據岳州質知州孟之紹妻子又取復州
降將翟貴妻子送之江陵世傑會郢復岳三州及上流
諸軍戰船數千艘兵數萬人扼荆江口壬辰阿里海牙
以軍屯于東岸世傑夜半遁去黎明至洞庭湖口兵船
成列而陣阿里海牙督諸翼萬戶及水軍張榮實解汝
楫等逐世傑于湖口之夾灘遣郎中張鼎召世傑世傑
降阿里海牙以世傑招岳州孟之紹亦以城降以世傑
力屈而降誅之賜北平王南木合所部馬二千一百八
十羊三百癸巳敕郟城沂州十字路戍兵從博魯歡征
淮南丙申側布蕃官稅昔確州蕃官莊察男車甲等率
四十三族戶五千一百六十詣四川行樞密院來附戍
戍遣山東路經略使王儼戍岳州庚子從王磐竇默等
請分置翰林院專掌蒙古文字以翰林學士承旨撒的
迷底里主之其翰林兼國史院仍舊纂修國史典制諸
備顧問以翰林學士承旨兼修起居注和禮霍孫主之
辛丑敕阿木分兵取揚州夏四月壬寅朔賞討長河西

必剌充有功者及陣亡者金銀鈔幣帛各有差乙巳改西夏中興道按察司爲隴右河西道丙午立漣州新城清河三驛阿里海牙駐軍江陵城南沙市攻其柵破之知荆門軍劉懋降丁未阿里海牙遣郎中張鼎齎詔入江陵宋荆湖制置朱禩孫湖北制置副使高達京西湖北提刑青陽夢炎李湜始出降阿里海牙入江陵分道遣使招諭未下州郡知峽州趙真知歸州趙仔權澧州安撫毛浚常德府新城總制魯希文舊城權知府事周公明等悉以城降辛亥遣使招諭宋五郡鎮撫使呂文福使降甲寅諭中書省議立登聞鼓如爲人殺其父母

只弟夫婦冤無所訴聽其來擊廿六或以經事唐突者論如法辛酉宋郢州安撫趙孟復州安撫翟貴以城降宋度支尚書吳浚移書建康徐王榮等述其丞相陳宜中語請罷兵通好伯顏遣中書議事官張羽淮西行院令史王章同宋來使馬馭持徐王榮復書至平江府驛亭悉爲宋所殺癸亥阿木師駐瓜洲距揚州四十五里宋淮東制置司盡焚城中廬舍遷其居民而去阿木創立樓櫓戰具以守之丙寅立尚牧監賜降臣丁順等衣服免京畿百姓今歲絲銀丁卯以大司農御史中丞孛羅爲御史大夫罷隨路巡行勸農官以其事入提刑按察

司括諸寺闡遺人口庚午以高達爲參知政事仍詔慰諭之遣兵部郎中王世英刑部郎中蕭郁持詔召嗣漢四卜代天師張宗演赴闕五月辛未朔阿里海牙以所俘童男女千人牛萬頭來獻樞密院言峽州宜以戰船扼其津要又郢復二州戍兵不足今擬襄陽等處選五千七百人隸行中書省聽阿里海牙調遣從之詔中書右丞廉希憲參知政事脫博忽魯秃花行中書省于江陵府阿里海牙還鄂州立襄陽至荆南三驛丁丑河木立木柵于楊子橋斷淮東糧道且爲瓜州藩蔽庚辰詔諭參知政事高達曰昔我國家出征所獲城邑卽委而

之未嘗置兵戍守以此連年征伐不息夫爭國家者取其土地人民而已雖得土地而無民其誰與居今欲保守新附城壁使百姓安業力農蒙古人未之知也爾孰知其事宜加勉旃湖南州郡皆汝舊部曲未歸附者何以招懷生民何以安業聽汝爲之宋嘉定安撫咎萬壽遣部將李立奉書請降言累負罪愆乞加赦免詔遣使招諭之辛巳宋知辰州呂文興黃仙洞行隋州事傅安國仙人寨行均州事徐鼎知沅州文用圭知靖州康圭知房州李鑑等皆以城降荆南湖北路凡得府三州十一軍四縣五十七戶八十萬二千四百一十五口一

百一十四萬三千八百六十丙戌以三衛新附生彘軍
赴八達山屯田丁亥召伯顏赴闕以蒙古萬戶阿剌罕
權行中書省事遣肅州達魯花赤阿沙簽河西軍萬戶
愛先不花違伯顏節制擅撤戍兵詔追奪符印使從軍
自效淮東宣撫陳巖乞解官終喪三年不許申嚴屠牛
馬之禁庚寅宋五郡鎮撫使呂文福來降壬辰宋都統
制劉師勇殿帥張彥據常州癸巳諭高麗國王王愷招
珍島餘黨之在耽羅者六月庚子朔日有食之宋嘉定
安撫使咎萬壽以城降賜名順癸卯遣兩浙大都督范
文虎持詔往諭安豐壽州招信五河等處鎮戍官吏軍
丁遣刑部侍郎伯木諭朱禩孫以年老多病不任朝謁
權留大都無言疑懼諭廉希憲等元沒青陽夢炎李湜
家貲如籍還之併徙其家赴都甲辰以萬戶阿剌罕爲
行中書省叅知政事獲知開州張章赦其罪章二子柱
楫先來降以其子故免死敕失里伯史樞率襄陽熟券
軍二千獵戶丁壯二千同范文虎招安豐軍各賜馬十
匹其故嘗從丞相史天澤者十九人願宣勞軍中令從
樞以行戊申簽平陽西京延安等路達魯花赤弟男爲
軍辛亥賞諸王兀魯所部獲功建都者三十五人銀鈔
有差定兀魯衛士人各馬二疋從者一匹敕淮東元帥

府發兵及鄂州戍兵與李璫舊部曲并前河南已簽軍
 萬人後免為民者復籍為兵並付行中書省戊午詔遣
 使招諭宋四川制置趙定應比者畢再興青陽夢炎赴
 闕西陳蜀闔事宜奏請緩師令自納款姑從所請今遣
 再興宣布大信若能順時達變可保富貴毋為塗炭生
 靈自貽後悔庚申遣重慶府招討使畢再興持詔招諭
 宋合州節使張珣江安潼川安撫張朝宗涪州觀察陽
 立梁山軍防禦馬壘辛酉宋潼川安撫使知江安州梅
 應春以城降乙丑以漣海新附丁順等括船千艘送淮
 東都元帥府丙寅宋揚州都統姜才副將張林步騎二

人乘夜攻揚子橋木柵守柵萬戶史弼來告急阿朮
 自瓜洲以兵赴之詰旦至柵下才軍夾水為陣阿朮麾
 騎兵渡水擊之陣堅不動阿朮軍引却才軍來逼我軍
 與力戰才軍遂走阿朮麾步騎並進大敗之才僅以身
 免生擒張林斬首萬八千級戊辰敕塔出率阿塔海也
 速帶兒兩軍赴漣水以遜攤為晚羅國達魯花赤罷山
 東經略司秋七月庚午朔阿朮集行省諸翼萬戶兵船
 于瓜洲阿塔海臺文炳集行院諸翼萬戶兵船于西津
 渡宋沿江制置使趙潛樞密都承旨張世傑知泰州孫
 虎臣等陳舟師于焦山南北阿朮分遣萬戶張弘範等

元史卷八
本紀 三十三
以拔都兵船千艘西掠珠金沙辛未阿朮阿塔海登南岸石公山指授諸軍水軍萬戶劉琛循江南岸東趨夾灘繞出敵後董文炳直抵焦山南麓以倚其右招討使劉國傑趣其左萬戶忽刺出擣其中張弘範自上流繼至趣焦山之北大戰自辰至午呼聲震天地乘風以火箭射其筈蓬宋師大敗世傑虎臣等皆遁走追至圖山獲黃鵠白鷓船數百艘宋人自是不復能軍翌日宋平江都統劉師勇殿帥張彥以兩浙制司軍至呂城復爲阿塔海行院兵所敗壬申簽雲南落落蒲納烘等處軍萬人隸行中書省癸酉太白犯井詔取茶罕章未附種

丁丑立衛州至楊村水驛五已卯增置燕南河北道提刑按察司以蔡州驛蒙古軍四百隸阿里海牙漢軍六百從萬戶宋都帶赴江西壬午遣使招宋淮安安撫使朱煥癸未詔遣使江南搜訪儒醫僧道陰陽人等敕左丞相伯顏率諸將直趨臨安右丞阿里海牙取湖南蒙古萬戶宋都帶漢軍萬戶武秀張榮實李恒兵部尚書呂師夔行都元帥府取江西罷淮西行樞密院以右丞阿塔海叅政董文炳同署行中書省事辛卯太陰犯畢甲午遣使持詔招諭宋李庭芝及夏貴以伯顏爲中書右丞相阿朮爲中書左丞相八月己亥免北京西京

陝西等路今歲絲銀癸卯伯顏陛辭南行奉詔諭宋君
臣相率來附則趙氏族屬可保無虞宗廟悉許如故授
故奉使大理王君候子如珪正八品官己未升任城縣
為濟州辛酉車駕至上都丙寅高麗王王懌遣其樞
密副使許瑛將軍趙珪來賀聖誕節九月己巳太白犯
少民庚午阿合馬等以軍興國用不足請復立都轉運
司九量增課程元額鼓鑄鐵器官為局賣禁私造銅器
乙亥賞清河新城戰士及死事者銀千兩鈔百錠賜西
平王所部鴨城戍兵人馬三匹丁丑以襄陽官牛五千
八百賜貧民弛河南鬻馬之禁賜東西川屯戍蒙古軍

糧鈔有差戊寅論太常卿合丹去冬享太宮敕牲無用
牛今其復之己卯太白犯太微西垣上將壬午阿木築
灣頭堡乙酉罷襄陽統軍司甲午宋揚州都統姜才將
步騎萬五千人攻灣頭堡阿木阿塔海擊敗之賞淮安
招討使乞里迷失及有功將士錦衣銀鈔有差丙申以
王昔帖木兒為御史大夫括江南諸郡書版及臨安祕
書省乾坤寶典等書冬十月戊戌朔享于太廟辛丑弛
北京義錦等處獵禁癸丑太陰犯畢十一月丁卯阿里
海牙以軍攻潭州乙亥伯顏分軍為三趣臨安阿剌罕
率步騎自建康四安廣德以出獨松嶺董文炳率舟師

循海趣許浦澈浦以至浙江伯顏阿塔海由中道節度諸軍期並會于臨安丙子宋權融宜欽三州總管岑從毅沿邊巡檢使廣西節制軍馬李維屏等詣雲南行中書省降丁丑阿合馬奏立諸路轉運司凡十一所己卯宋都帶等軍次隆興府宋江西轉運使知府劉槃以城降都元帥府檄諭江西諸郡相繼歸附得府州六軍四縣五十六戶一百五萬一千八百二十九口二百七萬六千四百壬午伯顏大軍至常州督諸軍登城四面並進拔其城劉師勇變服單騎南走改順天府爲保定府樞密院言兩都平灤獵戶新簽軍二千皆貧無力者宜不恤其家又新附郡縣有旣降復叛及糾衆爲盜犯罪至死者旣已款伏乞聽權宜處決皆從之中書省臣議斷死罪詔今後殺人者死問罪狀已白不必待時宜卽行刑其奴婢殺主者具五刑論乙酉阿刺罕克廣德趣獨松關丙戌太陰犯軒轅大星己丑遣太常卿合丹以所獲塗金爵三獻于太廟庚寅伯顏遣降人游介實奉璽書副本使于宋仍以書諭宋大臣甲午以高麗國官制僭濫遣使諭旨凡省院臺部官名爵號與朝廷相類者改正之十二月戊戌填星犯亢己亥簽書四川行樞密院事省順言紹慶府施州南平及諸蠻呂告馬蒙阿

永等有嚮化之心又播州安撫楊邦憲思州安撫田景賢未知逆順乞降詔使之自新並許世紹封爵從之辛丑董文炳軍次許浦宋都統制祁安以本軍降宋主爲書介國信副使嚴忠範姪煥請和甲辰伯顏次平江府宋都統王邦傑以城降乙巳免江陵等處今歲田租丁未改諸站提領司爲通政院戊申中書左丞相忽都帶兒與內外文武百寮及緇黃耆庶請上皇帝尊號曰憲天述道仁文義武大光孝皇帝皇后曰貞懿順聖昭天睿文光應皇后不許太陰犯異庚子宋主復遣尚書夏士林右史陸秀夫奉書稱姪乞和西川滄溪知縣趙龍

遣使入宋敕流遠方籍其家癸亥敕樞密院靖州旣降復叛今已平定其遣張通判李信家屬并同叛者赴都甲子答宋國主書令其來降丙寅阿剌罕軍次安吉州宋安撫使趙與可以城降升高麗東寧府爲路割江東南康路隸江西省置馬湖路總管府省重慶路隆化縣入南川瀘州海山縣入昌黎縣復華州鄭縣是歲衛輝大原等路旱河間霖雨傷稼凡賑米三千七百四十八石粟二萬四千二百六石天下戶四百七十六萬四千七十七斷死罪六十八人

元史卷八 本紀第九

元史卷九

本紀第九

皇明翰學士留太知制誥兼脩國史臣宋濂

翰林待制承直郎知制誥兼國史院編修官臣王禕等奉勅脩

世祖六

十三年春正月丁卯朔克潭州宋安撫使李芾盡室自焚死阿里海牙分遣官屬招徠未附者旬日間湖南州郡相繼悉降得府一州六軍二縣四十戶五十六萬二千一百一十二口百五十三萬七千七百四十伯顏軍

次嘉興府安撫劉漢傑以城降董文炳軍次年浦宋統制官劉英以本軍降辛未董文炳軍至海鹽知縣事王與賢及澈浦鎮統制胡全福建路馬步軍總管沈世隆皆降壬申改都統領司爲通政院命兀良合帶等領之立回易庫于諸路凡十有一掌市易幣帛諸物敕大都路總管府和顧和買權豪與民均輸癸酉宋相陳宜中遣軍器監劉庭瑞賫宋主稱藩表章詣軍前稟議又致宜中等書于伯顏伯顏以書荅之乙亥詔諭四川制置使趙定應來朝徙大都等路獵戶戍大洪山之東符寶郎董文忠請貧病者勿徙從之宋復遣監察御史劉岳不主稱藩表至軍前且致書伯顏爲宗社生靈請命丙子賞合兒魯帶所部將士征建都功銀鈔錦衣丁丑宋遣都統洪模賫陳宜中吳堅等書請俟宗長福王至同詣軍前戊寅伯顏以軍出嘉興府留萬戶忽都虎千戶王禿林察戍之劉漢傑仍爲其府安撫使辛巳命雲南行省給建都屯軍弓矢軍次崇德縣宋遣侍郎劉庭瑞都統洪模來迂行都元帥府宋都帶言江西隆興建昌撫州等郡雖附而閩廣諸州尚阻兵乞增兵進討敕以襄漢軍四千裨將之壬午軍次長安鎮董文炳以兵來會宋陳宜中吳堅等違約不至癸未軍次臨平鎮甲

申次高亭山阿剌罕以兵來會宋主遣其保康軍承宣使尹甫和州防禦使吉甫等賫傳國王璽及降表詣軍前其辭曰大宋國主曩謹百拜奉表于大元仁明神武皇帝陛下臣昨嘗遣侍郎柳岳正言洪雷震捧表馳詣闕庭敬伸卑悃伏計已徹聖聽臣眇焉幼冲遭家多難權奸似道背盟誤國臣不及知至于興師問罪宗社阽危生靈可念臣與太皇日夕憂懼非不欲遷辟以求兩全實以百萬生民之命寄臣之身今天命有歸臣將焉往惟是世傳之鎮寶不敢受受惜謹奉太皇命戒痛自貶損削帝號以兩浙福建江東西湖南北一廣四川見在

州君謹悉奉上聖朝爲宗社生靈祈哀請命欲望聖慈垂哀祖母太后耄及臥病數載臣營營在疚情有足矜不忍臣祖宗三百年宗社遽至殞絕曲賜裁處特與存全大元皇帝再生之德則趙氏子孫世世有賴不敢弭忘臣無任感天望聖激切屏營之至伯顏旣受降表至璽復遣囊加帶以趙尹甫賈餘慶等還臨安召宰相出議降事乙酉師次臨安北十五里囊加帶洪模以總管殷俊來報宋陳宜中張世傑蘇劉義劉師勇等挾益廣二王出嘉會門渡淞江遁去惟太皇太后嗣君在宮伯顏亟使諭阿剌罕董文炳范文虎率諸軍先據守錢塘

口以勁兵五千人追陳宜中等過浙江不及而還丙戌伯顏下令禁軍士入城違者以軍法從事遣呂文煥齋黃榜安諭臨安中外軍民俾按堵如故時宋三司衛兵白晝殺人張世傑部曲尤橫閭里小民乘時剽殺令下民大悅伯顏又遣宣撫程鵬飛計議孫鼎亨囊加帶洪君祥入宮安諭太皇謝氏丁亥雲南行省賽典赤以改定雲南諸路名號來上又言雲南貿易與中州不同鈔法實所未諳莫若以交會貳子公私通行庶爲民便並從之戊子中書省臣言王孝忠等以罪命往八答山採寶玉自効道經沙州值火忽叛孝忠等自拔來歸命於瓜沙等處屯田從之大名路達魯花赤小鈐部坐姦職伏誅沒其家宋主祖母謝氏遣其丞相吳堅文天祥樞密謝堂安撫賈餘慶中貴鄧惟善來見伯顏於明因寺伯顏顧文天祥舉動不常疑有異志遂令萬戶忙古帶宣撫唆都羈留軍中且以其降表不稱臣仍書宋號遣程鵬飛洪君祥偕來使賈餘慶復往易之己丑軍次湖州市遣千戶囊加帶省掾王祐齋傳國王璽赴闕敕高麗國以有官子弟爲質中書省臣言賦民舊籍已有定額至元七年新括協濟合併戶爲數凡二十萬五千一百八十敕減今歲絲賦之半庚寅伯顏建大將旗鼓率

左右翼萬戶巡臨安城觀潮浙江於是宋宗室大臣以
次來見暮還湖州市辛卯張弘範孟祺程鵬飛賚所易
宋主稱臣降表至軍前甲午復薊州平谷縣立隨路都
轉運司仍詔諭諸處管民官以龔吉刺帶丑漢所部軍
五百戍哈答城不吉帶所部軍六百移戍建都其兀兒
禿唐忽軍前在建都者並遣還翼穿濟州漕渠以真定
總管昔班爲中書右丞二月丁酉詔劉頴程德輝招淮
西制置使夏貴已亥克臨江軍庚子宋主熈率文武百
僚詣祥曦殿望闕上表乞爲藩輔遣右丞相兼樞密使
賈餘慶樞密使謝堂端明殿學士簽樞密院事家鉉

端明殿學士同簽樞密院事劉岳奉表以聞宋主祖母
太皇太后亦奉表及牋是日宋文武百司出臨安府詣
行中書省各以其職行中書省承制以臨安爲兩浙大
都督府都督忙古帶范文虎入城視事辛丑伯顏令張
惠阿剌罕董文炳左右司官石天麟楊晦等入城取軍
民錢穀之數閱實倉庫收百官誥命符印悉罷宋官府
散免侍衛禁軍宋主熈遣其右丞相賈餘慶等充祈請
使詣闕請命右丞相命吳堅文天祥同行行中書省右
丞相伯顏等以宋主熈舉國內附具表稱賀兩浙路得
府八州六軍一縣八十一戶二百九十八萬三千六百

七十二口五百六十九萬二千六百五十丁未詔諭臨
安新附府州司縣官吏士民軍卒人等曰間者行中書
省右丞相伯顏遣使來奏宋母后幼主暨諸大臣百官
已於正月十八日齋璽綬奉表降附朕惟自古降王必
有朝覲之禮已遣使特往迎致爾等各守職業其勿妄
生疑畏凡歸附前犯罪悉從原免公私逋欠不得徵理
應抗拒王師及逃亡嘯聚者並赦其罪百官有司諸王
邸第三學寺監祕省史館及禁衛諸司各宜安居所在
山林河泊除巨木花果外餘物權免徵稅祕書省圖書
太常寺祭器樂器法服樂工鹵簿儀衛宗正譜牒天文
地理圖冊凡典故文字并戶口版籍盡仰收拾前代聖
賢之後高尚儒醫僧道卜筮通曉天文曆數并山林隱
逸名士仰所在官司具以名聞名山大川寺觀廟宇并
前代名人遺迹不許拆毀鰥寡孤獨不能自存之人量
加贍給伯顏就遣宋內侍王埜入宮收宋國衮冕圭璧
符璽及宮中圖籍寶玩車輅輦乘鹵簿麾仗等物戊申
立浙東西宣慰司於臨安以戶部尚書麥歸祕書監焦
友直爲宣慰使吏部侍郎楊居寬同知宣慰司事並兼
知臨安府事乙卯詔諭淮東制置使李庭芝淮西制置
使夏貴及所轄州軍縣鎮官吏軍民丁巳命焦友直括

宋祕書省禁書圖籍戊午祀先農東郊淮西制置夏貴以淮西諸郡來降唯鎮巢軍復叛貴遣使招之守將洪福殺其使貴親至城下福始降阿朮斬之軍中淮西路得府二州六軍四縣三十四戶五十一萬三千八百二十七口一百二萬一千三百四十九庚申召伯顏偕宋君臣入朝辛酉車駕幸上都設資戒大會于順德府開元寺伯顏遣不伯周青招泉州蒲壽庚壽晟兄弟甲子董文炳唆都發宋隨朝文士劉裒然及三學諸生赴京師太學生徐應鑣父子四人同赴井死帝既平宋召宋諸將問曰爾等何降之易耶對曰宋有強臣賈似道擅

國柄每優禮文士而獨輕武官臣等久積不平心離體解所以望風而送款也帝命董文忠荅之曰借使似道實輕汝曹特似道一人之過耳且汝主何負焉正如所言則似道之輕汝也固宜三月丁卯命樞密副使張易兼知祕書監事伯顏入臨安遣郎中孟祺籍宋太廟四祖殿景靈宮禮樂器冊寶暨郊天儀仗及祕書省國子監國史院學士院太常寺圖書祭器樂器等物戊辰括江南已附州郡軍器甲戌阿朮遣使報廬州夏貴已降文天祥自鎮江遁去追之弗獲荆湖南路行中書省言潭州既定湖南州郡降者相繼卽分命諸將鎮守其地

從之宋福王與芮自浙東至伯顏軍中以獨松關守將
張濡嘗殺奉使廉希賢斬之籍其家乙亥伯顏等發臨
安丁丑阿塔海阿刺罕董文炳詣宋主宮趣宋主昇同
太后入覲郎中孟祺奉詔宣讀至免繫頸牽羊之語太
后全氏聞之泣謂宋主昇曰荷天子聖慈活汝當堊闕
拜謝宋主昇拜畢子母皆肩輿出宮唯太皇太后謝氏
以疾留戊寅敕諸路儒戶通文學者三千八百九十並
免其徭役其富實以儒戶避役者爲民貧乏者五百戶
隸太常寺敕淮西廬州置總管萬戶府以中書右丞河
南等路宣慰使合剌合孫襄陽管軍萬戶邱浹並行府
內附庚寅賜郡王瓜都銀印敕上都和顧和買並依大
都例以中書右丞昔班爲戶部尚書閏月丙申置宣慰
司於濟寧路掌印造交鈔供給江南軍儲以前西夏中
興簽行中書省事暗都刺卽思大都路總管張守智並
爲宣慰使東川行樞密院總帥汪惟正畧地涪州克山
寨谿洞凡二十有三所丁酉召湖廣阿里海牙忽都帖
木兒赴闕令脫撥忽魯禿花崔斌並留後鄂州辛亥命
副樞張易遣宋降臣吳堅夏貴等赴上都戊午淮西萬
戶府招降方山等六寨甲子禁西番僧持軍器以中書

省左右司郎中郝禎叅知政事夏四月乙丑朔阿朮以
宋高郵寶應嘗餽餉揚州遣蒙古軍將苦徹及史弼等
守之別遣都元帥孛魯歡等攻秦州之新城丁卯賜諸
王都魯金印戊辰以河南兵事未息開元路民饑金弛
正月五月屠殺之禁庚午救南商貿易京師者毋禁辛
未行江西都元帥宋都帶以應詔儒生醫卜士鄭夢得
等六人進救隸祕書監丙子省東川行樞密院及成都
經略司以其事入西川行院復石人山寨居民于信陽
軍免大都醫戶至元十二年絲銀已卯以侍衛親軍征
成歲久放令還家期六月各歸其軍庚辰以水達達分

北人專皮革自今並入上都壬午召嗣漢天師張宗演
赴闕乙酉召昭文館大學士姚樞翰林學士王磐翰林
侍講學士徒單公履赴上都庚寅修太廟以北京行中
書省廉希憲爲中書右丞行中書省事于荆南府五月
乙未朔伯顏以宋主焜至上都制授焜開府儀同三司
檢校大司徒封瀛國公以平宋遣官告天地祖宗於上
都之近郊遣使代祀嶽瀆己亥伯顏請罷兩浙宣慰司
以忙古帶范文虎仍行兩浙大都督府事從之庚子定
度量壬寅宋三學生四十六人至京師癸卯復浙莒膠
密寧海五州所括民爲防城軍者爲民免其租徭二年

乙巳賜伯顏所部有功將校銀二萬四千六百兩阿朮
遣總管陳傑攻拔泰州之新城遣萬戶烏馬兒守之以
偏泰州丁未宋揚州都統姜才攻灣頭堡阿里別擊走
之殺其步騎四百人右衛親軍千戶董士元戰死戊申
宋馮都統等自真州率兵二千戰船百艘襲瓜州阿朮
遣萬戶昔里罕阿塔赤等出戰大敗之追至珠金沙得
船七十七艘馮都統等赴水死改博州爲東昌路己酉
括獵戶鷹坊戶爲兵乙卯靖州張州判及李信李發焚
其城退保飛山新城行中書省發兵攻殺之徙其黨及
家屬于大都宋江西制置黃萬石率其軍來附敕令入

西王相府請頒詔招合州張珏不從癸亥陞
真符局爲總管府秩三品六月甲子朔敕新附三衛兵
之老弱者放還其家己巳以孔子五十三世孫曲阜縣
尹孔治兼權主祀事命東征元帥府選襄陽生券軍五
百充侍衛軍置行戶部于大名府掌印造交鈔通江南
貿易庚午敕西京僧道也里可溫答失蠻等有室家者
與民一體輸賦辛未命阿里海牙出征廣西請益兵選
軍三萬俾將之壬申罷兩浙大都督府立行尚書省於
鄂州臨安設諸路宣慰司以行省官爲之並帶相銜其
立行省者不立宣慰司甲戌以大明曆浸差命太子贊

善王恂與江南日官置局更造新曆以樞密副使張易董其事易恂奏今之曆家徒知曆術罕明曆理宜得者儒如許衡者商訂詔衡赴京師宋揚州姜才夜率步騎數千趨丁村堡守將史弼苦徹出戰斬首百餘級獲馬四十匹詰旦阿里都督陳巖以灣頭堡兵邀其後伯顏察兒踵至所將皆阿朮麾下兵姜才軍遙望旗幟即走遂大破之獲米五千餘石阿朮又以宋人高郵水路不通必由陸路餽運千戶也先忽都以千騎邀之數日米運果來殺負米卒數千獲米三千石戊寅詔作平金平宋錄及諸國臣服傳記仍命平章軍國重事耶律鑄監

修國史戊子樞密院上言陳宜中張世傑聚兵福建以攻我師江西都元帥宋都帶求援命以安慶蘄黃等郡宿兵付宋都帶將之己丑宋都帶言福建魏天祐游義榮棄家來附以天祐爲管軍總管兼知邵武軍事義榮遂授建寧路同知克管軍千戶壬辰下詔招諭宋揚州制置李庭芝以次軍官及通泰真滁高郵大小官員又詔諭陳宜中張世傑蘇劉義劉師勇等使降李庭芝留朱煥守揚州與姜才率步騎五千東走阿朮親率百餘騎馳去督右丞阿里萬戶劉國傑分道追及泰州西殺步卒千人庭芝等僅得入遂築長圍塹而守之阿朮獨

當東南面斷其走路以戶部尚書張澍參知政事行中書省事于北京秋七月乙未行中書省左右司郎中孟祺以亡宋金玉寶及牌印來上命太府監收之丙申淮安寶應民流寓邳州者萬餘口聽還其家丁酉宋涪州觀察陽立子嗣榮請降詔招諭其父從之戊戌陞閬州爲保寧府敕山丹城直隸省部以達魯花赤行者仍領之壬寅以李庭出征賞其部將李承慶等鈔馬衣服甲仗有差乙巳朱煥以揚州降丁未詔諭廣西路靜江府等大小州城官吏使降甲寅賜諸王孛羅印以楊村至博鷄清濟渠洄遠改從孫家務乙卯宋泰州守將孫良

臣李庭芝帳下卒劉發鄭俊開北門以降執李庭芝姜才繫揚州獄丙辰阿朮以總管烏馬兒等守泰州其通淞高郵等處相繼來附淮東路得州十六縣三十三戶五十四萬二千六百二十四口一百八萬三千二百一十七遣使持香幣祠嶽瀆后土以中書右丞阿里海牙爲平章政事簽書樞密院事淮東行樞密院別乞里迷失爲中書右丞參知政事董文炳爲中書左丞淮東左副都元帥塔出兩浙大都督范文虎江東江西大都督知江州呂師夔淮東淮西左副都元帥陳巖並參知政事八月己巳穿武清蒙村漕渠敕漢軍都元帥闊闊

帶李庭將侍衛軍二千人西征陞鄆陰縣爲濼州乙亥
斬宋淮東制置使李庭芝都統姜才于揚州市庚辰罷
襄陽統軍司車駕至上都遣太常卿脫忽思以銅爵
一豆二獻于太廟以四萬戶總管奧魯赤叅知政事九
月壬辰朔命國師益憐真作佛事于太廟己亥享于太
廟常饌外益野豕鹿羊蒲萄酒庚子命姚樞三磐選宋
三學生之有實學者留京師餘聽還家辛丑遣瀘州屯
田軍四千轉漕重慶癸卯以平宋赦天下乙巳高麗國
王王懌上叅議中讚金方慶功授虎符丙午敕常德府
歲貢包茅丁未諭西川行樞密院移檄重慶俾內附命
有司隳沿淮城壘辛亥太白犯南斗甲寅太白入南斗
乙卯以吐蕃合荅城爲寧遠府辛酉召宋宗臣鄂州教
授趙與稟赴闕設資戒會于京師阿朮入覲江淮及浙
東西湖南北等路得府三十七州一百二十八關一監
一縣七百三十三戶九百三十七萬四百七十二口千
九百七十二萬一千一十五冬十月甲子以陳巖拔新
城丁村功賜金五十兩部將劉忠等賜銀有差乙亥賜
皇子比平王出征軍士貧乏者羊馬幣帛有差申明以
良爲媚之禁丁亥兩浙宣撫使焦友直以臨安經籍圖
畫陰陽祕書來上戊子淮西安撫使夏貴請入覲乞令

其孫貽孫權領宣撫司事從之以淮東左副都元帥阿
里爲平章政事河南等路宣慰使合剌合孫爲中書右
丞兵部尚書王儀吏部尚書兼臨安府安撫使楊鎮河
南河北道提刑按察使迷里忽辛並叅知政事叅知政
事陳巖行中書省事于淮東十一月癸巳安西王所部
軍克萬州丙午賜阿木所部有功將士二百三十九人
各銀二百五十兩西川行院忽敦言所部軍士久圍重
慶逃亡者衆乞益軍一萬并降詔招誘遺民之在大良
平者並從之壬子賜龍峇溫軍有功及死事者銀鈔有
差癸丑併省內外諸司丁卯太陰犯填星庚申敕管民
及理財之官由中書銓調軍官由樞密院定議隲襄漢
荆湖諸城南平招撫使兼知峽州事趙眞請降詔招諭
夔州安撫張起巖從之高麗國王王懋遣其臣判祕書
寺朱悅來告更名晞十二月辛卯朔熒惑掩鈎鈴以十
四年曆日賜高麗丁卯改雲南蘿蔔甸爲元江府路辛
未賜塔海所部戰士及死事者銀鈔有差左賜忽不來等
戰功十九人銀千二百兩壬申李思敬告口運使姜毅所
言悖妄指毅妻子爲證帝曰妻子豈爲証者耶詔勿問
乙亥定江南所設官府辛巳以軍士圍守崇慶勞苦賜
鈔六千錠庚寅詔諭浙東西江東西淮東西湖南北府

州軍縣官吏軍民昔以萬戶千戶漁奪其民致令逃散
今悉以人民歸之元籍州縣凡管軍將校及宋官吏有
以勢力奪民田廬產業者俾各歸其主無主則以給附
近人民之無生產者其田租商稅茶鹽酒醋金銀鐵冶
竹貨湖泊課程從實辦之凡故宋繁冗科差聖節上供
經總制錢等百有餘件悉除免之伯顏言張惠守宋府
庫不俟命擅啓管鑰詔阿朮詰其事仍諭江之東西浙
之東西淮之東西官吏等檢覈新舊錢穀除浙西浙東
江西江東湖北五道宣慰使陞江陵爲上路瑞安府仍
爲温州隴州爲散府薊州復置豐閏縣陞臨洮渭源堡
爲縣賜諸王金銀幣帛如歲例賜諸王乃蠻帶等羊馬
價賞阿朮等戰功及賜降臣吳堅夏貴等銀鈔幣帛各
有差賜伯顏阿朮等青鼠銀鼠黃狃只孫衣餘功臣賜
豹裘獐裘及皮衣帽各有差是歲東平濟南泰安德州
漣海清河平灤西京西三州以水旱缺食賑軍民站戶
米二十二萬五千五百六十石粟四萬七千七百十二
石鈔四千二百八十二錠有奇平陽路阜濟寧路及高
麗瀋州水並免今年田租斷死罪三十四人
十四年春正月癸巳行都元帥府軍次廣東知循州劉
興以城降丙申以江南平百姓疲於供軍免諸路今歲

所納絲銀賜嗣漢天師張宗演演道靈應沖和真人領
江南諸路道教戊戌高麗金方慶等爲亂命高麗王治
之仍命忻都洪茶立飭兵禦備癸卯復立諸道提刑按
察司甲辰命阿木選銳軍萬人赴闕丁未知梅州錢榮
之以城降戊申賜三衛軍士之貧乏者八千三百五十
二人各鈔二錠幣十匹己酉賜耶律鑄鈔千錠甲寅敕
宋福王趙與芮家貲之在杭越者有司輦至京師付其
家丙辰立建都羅羅斯四路守戍烏木等處並置官屬
己未以白玉碧玉水晶爵六獻于太廟括上都隆興北
京西京四路獵戶二千爲兵置江淮等路都轉運鹽使
司及江淮榷茶都轉運使司命嗣漢天師張宗演修周
天醮于長春宮宗演還江南以其弟子張留孫留京師
二月辛酉命征東都元帥洪茶立將兵二千赴上都壬
戌瑞州安撫姚文龍率張文顯來降其家屬爲宋人所
害賜文龍文顯等鈔有差癸亥彗星出東北長四尺餘
甲子遣使代祀嶽瀆后土丙寅改安西王傳銅印爲銀
印立永昌路山丹城等驛仍給鈔千錠爲本俾取息以
給驛傳之須諸王只必鐵木兒言永昌路驛百二十五
疲於供給質妻孥以應役詔賜鈔百八十錠贖還之丁
卯荆湖北道宣慰使塔海拔歸州山寨四十七所戊辰

元史卷九十六
禮志一
祀先農東郊甲戌西川行院不花率衆數萬至重慶營
浮屠關造梯衝將攻之其夜都統趙安以城降張廷巖
船江中與其妻妾順流走涪州元帥張德潤以舟師邀
之理遂降車駕幸上都辛巳命北京選福住所統軍三
百赴上都壬午曠吉撫二州城隆興濱西江姑存之仍
選汀州軍馬守禦瑞金縣丙戌連州守過元龍已降復
叛塔海將兵討之元龍棄城遁丁亥知南恩州陳堯道
僉判林叔虎以城降詔以僧亢吉益恰真加加瓦並爲
江南總攝掌釋教除僧租賦焚擾寺宇者以大司農御
史大夫宣徽使兼領侍儀司事字羅爲樞密副使兼宣

徽使領侍儀司事二月庚寅朔以冬無雨雪春澤未繼
遣使問便民之事於翰林國史院耶律鑄姚樞王磐竇
默等對曰足食之道唯節浮費靡穀之多無踰醪醴麩
蘖况自周漢以來嘗有明禁祈賽神社費亦不貲宜一
切禁止從之辛卯湖廣行中書省言廣西二十四郡並
已內附議復行中書省于潭州置廣南西路宣撫司於
靜江詔鄭鼎所將侍衛軍萬人還京師崔斌阿里海牙
同駐靜江忽都鐵木兒鄭鼎同駐鄂漢賈居貞脫博忽
魯禿花同駐潭州癸巳以行都水監兼行漕運司事甲
午以鄭鼎所部軍士撫定靜江之勞命還家少休期六

月赴上都乙未福建漳泉二郡蒲壽庚印德傳李珣李公度皆以城降丁酉括馬三萬二千二百六匹孳駒者還其主壬寅廣東肇慶府新封等州皆來降癸卯壽昌府張之綱以從叛棄市乙巳命中外軍民官所佩金銀符以色組繫于肩腋庶無褻瀆具爲令庚戌建寧府通判郭纘以城降黃州歸附官史勝入覲以所部將校于躍等三十一人戰功聞命官之簽書東西川行樞密院事皆順言比遣同知隆州事趙孟煇齎詔招諭南平軍都掌蠻羅計蠻及鳳凰中隴羅韋高崖等四砦皆降因楊二家豕鴉夷民亦各遣使納款壬子寶應軍人施福

殺其守將降于淮東都元帥府詔以福爲千戶佩金符癸丑命汪惟正自東川移鎮肇昌行中書省承制以閩浙溫處台福泉汀漳劔建寧邵武興化等郡降官各治其郡潭州行省遣使上言廣南西路慶遠鬱林昭賀藤梧融賓柳象邕廉容貴潯皆降得府一州十四復立襄陽府襄陽縣平章政事浙西道宣慰使阿塔海爲平章政事行中書省事於江淮郡王合荅爲平章政事行中書省事於北京夏四月甲子宋特磨道將軍農士貴知安平州李惟屏知來安州岑從毅等以所屬州縣溪洞百四十七戶二十五萬六千來附癸酉省各路轉運司

事人總管府設鹽轉運司四置榷場於碣門黎州與吐蕃貿易丙子召安撫趙與可宣撫陳巖入覲丙戌禁江南行用銅錢均州復立南漳縣五月癸巳申嚴大都酒禁犯者籍其家貲散之貧民辛丑千戶合刺合孫死於渾都海之戰命其子忽都帶兒襲職癸卯改廣南西路宣撫司爲宣慰司廣西欽橫二州改立安撫司各道提刑按察司兼勸農事敕江南歸附官三品以上者遣質子一人入侍西番長阿立丁甯占等三十一族來附得戶四萬七百丙子融州安撫使譚昌謀爲不軌伏誅辛亥以河南山東水旱除河泊課聽民自漁乙卯選蒙古

漢軍相參宿衛詔諭思州安撫使田景賢又詔諭瀘州西南番蠻王阿永筠連騰串等處諸族蠻夷使其來附命真人李德和代祀濟瀆六月丙寅涪州安撫陽立及其子嗣榮相繼來附命立爲夔路安撫使嗣榮爲管軍總管並佩虎符仍賜鈔百錠壬寅賞征廣戰死之家銀各五十兩丁丑置尚膳院秩三品以提點尚食尚藥局忽林失爲尚膳使其屬司有七庚辰賞陽立所部戰士鈔千錠甲申荆湖北道宣慰使黑的得謀者言夔府將出兵攻荆南諭陽立等與塔海會兵禦之丁亥陞崇明沙爲崇明州以行省參政行江東道宣慰使阿刺罕爲

中書左丞行江東道宣慰使湖北道宣慰使與魯赤參
知政事行湖北道宣慰使秋七月戊子朔罷大名濟寧
印鈔局壬辰敕犯盜者皆棄市符寶郎董文忠言盜有
強竊贓有多寡似難悉寘丁法帝然其言遽命止之丁
酉敕自今非佩符使臣及軍情急速不聽乘傳戊申
禁羊馬羣之在北者八月內毋縱出北口諸隘踐食京
畿之禾犯者沒其畜癸卯諸王昔里吉劫北平王于阿
力麻里之地械繫右丞相安童誘脅諸王以叛使通好
于海都海都弗納東道諸王亦弗從遂率西道諸王至
和林城北詔右丞相伯顏帥軍往禦之諸王忽魯帶率

其屬來歸與右丞相伯顏等軍合丙午置行御史臺于
揚州以都元帥相威爲御史大夫置八道提刑按察司
戊申東川都元帥張德澗等攻取涪州大敗之擒安撫
程聰陳廣置行中書省于江西以參知政事行江西宣
慰使塔出爲右丞參知政事行江西宣慰使麥朮丁爲
左丞淮東宣慰使徹里帖木兒江東宣慰使張榮實江
西宣慰使李恒招討使也的迷失萬戶昔里門荆湖路
宣撫使程鵬飛闡廣大都督兵馬招討使蒲壽庚並參
知政事行江西省事壬子權大都商稅丁巳湖北宣慰
司調兵攻司空山復壽昌黃州二郡賜平宋將帥軍士

元史卷九十一 本紀十一 十三
及簡州軍士廣西死事者銀鈔各有差回水窩淵聖廣
源王加封善佑常山靈濟昭應王加封廣惠安丘霄泉
靈需侯追封靈需公以參知政事行江東道宣慰使呂
文煥爲中書左丞八月戊午朔詔不花行院西川丁卯
成都路倉收羨餘五千石按察司已治其罪命以其米
就給西川兵辛未常德府總管魯希文與李三俊結構
爲亂事覺命行省誅之車駕畋于上都之北九月壬辰
製鑕鐵海青圓符丙申廣南東路廣連韶德慶惠潮南
雄英德等郡皆內附甲辰福建行省以宋二王在其疆
境調都督忙兀帶招討高興領兵討之昂吉兒忻都唐
兀帶等引兵攻司空山寨破之殺張德興執其三子以
歸壬子福建路宣慰使行征南都元帥唆都遣招討使
百家奴丁廣取建寧之崇安等縣及南劍州冬十月丙
辰朔日有食之己未享于太廟庚申湖北宣慰使塔海
略地至夔府之太原坪禽其將誅之辛酉弛蓋州獵禁
乙亥以宋張世傑文天祥猶未降命阿塔海選銳兵防
遏隆興諸城禁無籍軍隨大軍剽掠者勿過關渡己卯
降臣郭曉魏象祖入覲賜幣帛有差壬午置宣慰司于
黃州甲申播州安撫使楊邦憲言本族自唐至宋世守
此土將五百年昨奉旨許令仍舊乞降璽書從之以行

省參政忽都帖木兒脫博忽魯禿花崔斌並爲中書左
丞鄂州總管府達魯花赤張鼎湖北道宣慰使賈居貞
並參知政事十一月戊子樞密院臣言宋文天祥與其
徒趙孟潛同起兵行中書發兵攻之殺孟潛天祥僅以
身免詔以其妻孥赴京師右副都元帥張德潤上涪州
功賜鈔千錠乙未凡僞造寶鈔同情者並處死分用者
減死杖之具爲令庚子命中書省檄諭中外江南旣平
宋宜曰亡宋行在宜曰杭州以吏部尚書別都魯丁參
知政事十二月丙辰置中灤唐村淇門驛丁卯以大都
物價翔踴發官廩萬石賑糶貧民庚午梁山軍袁世安

以其城及金石城軍民來降壬申潭州行省復祁陽縣
斬首賊羅飛餘黨悉平乙亥都元帥楊文安攻咸淳府
克之以十五年曆日賜高麗國以參議中書省事耿仁
參知政事冠州及永年縣永免今年田租導任河復民
田三千餘頃賜諸王金銀幣帛等物如歲例賜諸王也
不干燕帖木兒等五百二十九人羊馬價鈔八千四百
五十二錠賞拜荅兒等千三百五十五人戰功金百兩
銀萬五千一百兩鈔百三十錠及納失失金素幣帛貂
鼠豹裘衣帽有差是歲賑東平濟南等郡饑民米一萬
一千六百十七石粟二萬八千六百十三石鈔萬一百

十一錠斷死罪三十二人

元身

森

三

九

元終

